

M314: Ulrich von Liechtenstein: Frauendienst (M)

- 0,1 “Sit rehten trivwen so rat ich
 0,2 Daz du so iht vderbeft dich
 0,3 Leb als dich got hab herzen leben
 0,4 Vn hab daz er dir hab gegeben
 0,5 Von im vil willeclich für gūt
 0,6 Ob du daz tuft daz ist reht mūt
 0,7 Wil du dich anders dann er wil
 0,8 Des mutes ist dir alzevil.”
 0,1 “Niftel daz dich got gefegen
 0,2 Wīz ich han mīch sīn gar bewegen
 0,3 Swie mir gelīngēt ođ geschiht
 0,4 Des wil ich dich vfwigen niht
 0,5 Ich enbiut [ez] endelichen dir
 0,6 Vn bite dich daz du ez ir
 0,7 Enbieteft durch die triwe dīn
 0,8 D̃ h̃zen lieben frowen mīn”
 0,1 “Daz lob ich dir uf mīnen eīt
 0,2 Vn wīz neue ez ist mīr leīt
 0,3 Daz du sīn niht wil abe gestan”
 0,4 Sus reīt ich von d̃ gūten dan
 0,5 Ze græz fā in daz fteirelant
 0,6 Da ich vil gūte meift vant
 0,7 Dem besten tet ich alzeftunt
 0,8 Gar allen mīnen willen kunt
 0,1 Er sprach “ez ist nu gar enwiht
 0,2 Ich fnīd iuch vor dem maīen nīht
 0,3 Chumt ir mīr in dem maīen her
 0,4 Bi mīnen triwen ich iuch wer·
 0,5 Ich mach iv iwern munt also
 0,6 Daz ir sīn sit von schulden vro
 0,7 D̃ dinge ich gar eīn meift pīn
 0,8 Ich han dar zū vil ganzen sīn”
 0,1 Do reīt ich ab frowen sehen·
 0,2 Den wīnd gar daz was geschehen.
 0,3 Bizdaz d̃ fūze fumer quam
 0,4 Vn daz d̃ wīnd ende nam
 0,5 Do hort ich fīngen vogelīn
 0,6 Ich gedaht “sīn mach zīt sīn

- 0,7 Daz mîn lip fol ze græze varn
 0,8 Got mûze mîch alda bewarn”
 0,1 Sa reit ich hîn in gotes pflege
 0,2 Mîr wið fûr uf mînem wege
 0,3 Seht mîn vrowen kneht den ich
 0,4 Erkande wol er bekand ouch mîch
 0,5 Er fragte wa ich wolde hîn
 0,6 Vn war ze den ziten wær mîn fîn
 0,7 “Gefelle daz wil ich dir fagen
 0,8 Vremdiv m^aere niht v̇dagen
 0,1 Nv wize ich pîn wol gefunt
 0,2 Vn wil mîch machen gern wunt
 0,3 Man fol ze græz fniden mîch”
 0,4 Ð knappe gût ð fegent sich
 0,5 Vn sprach “nu h̅re sagt mir wa”
 0,6 Ich sprach “gefelle mîn sich da
 0,7 Ð lefs ð ich dri han
 0,8 Ð wil ich einen fniden dan”
 0,1 “Und ist ez war so helf iv got
 0,2 So sprich ich wol ane allen spot
 0,3 Ez ist ein wundlich geschicht
 0,4 Sîn weiz ich w^aen mîn frowe niht
 0,5 Ð wil ich ez fagen durch wund groz
 0,6 Got weiz wol ir lit finne bloz
 0,7 Daz ir ivch waget fund not
 0,8 Ir müget da von geligen tot”
 0,1 “Nv fag ez fwem du wil fûr war
 0,2 Ich bîn fîn in dem willen gar
 0,3 Ez müz uf dirre vart geschehen”
 0,4 “En triwen so wil ich ez sehen
 0,5 Mag ez in ivren hulden fîn
 0,6 Vn wil ouch fagen ð vrowen mîn
 0,7 Daz ir mîch welt da bi iv han
 0,8 Ze schowen wie iv wirt getan”
 0,1 Do reit ich hîn vn reit ouch her
 0,2 Hînze græz dar stunt mîn ger
 0,3 Da ich fâ mînen meister vant
 0,4 Ð vndwant sich mîn zehant
 0,5 Eins mantagen morgens harte frû
 0,6 Greif er mit fînen fniden zû
 0,7 Er wolt mîch binden ich wolte niht
 0,8 Er sprach “da von iv schad geschicht
 0,1 Vnd rûrt ir iv als vmb ein har
 0,2 Ir nemt fîn schaden daz ist war”
 0,3 Ich sprach “daz wirt von mîr vmîten
 0,4 Ich pîn da her zu iv geritten
 0,5 Vil willec lichen durch mîn not
 0,6 Vn fold ich von iv ligen tot

- 0,7 Deswar man fiht mich wenkē niht.
 0,8 Swi we fo mir von ív gefchiht”
 0,1 Mín vorhte was ze ware kranc
 0,2 Ich faz vor ím vf eín banc
 0,3 Er nam eín fcharfach índie hant
 0,4 Vñ fneít den munt mir alzehant
 0,5 Hín ob den cenden er durch fneít
 0,6 Daz ich vil fenftec lichen leit
 0,7 Daz fníden alfo gar ergie
 0,8 Daz ich da von gewancte níc
 0,1 Er het mich meífterlich gefniten
 0,2 Daz het ouch ich manlich er litē
 0,3 Ğ munt mír alzehantgefwal
 0,4 Grozer vil denn ein fleipal
 0,5 Ğ wunden tet er do ir reht
 0,6 Daz fách do gar mín frowen kneht
 0,7 Er fp^ach zv mír “múgt ir genefen
 0,8 So pín ich gern hie gewefen
 0,1 Do ich nahfte von iv reit
 0,2 Vñ daz ich míner vrowen feít
 0,3 Daz man ívch wolde fníden hie
 0,4 Daz wolt fi mir gelouben níc
 0,5 Si sprach alfo er tût fín niht
 0,6 Mín munt fúr warheit dir def giht
 0,7 Ez dúht mich tumplich gar getan
 0,8 Wold er fích alfo fníden lan”
 0,1 Nv hab ich ez allez reht gefehen
 0,2 Waz an ív wunds íft gefchehen
 0,3 Nu wil ich hinne von ív varn
 0,4 Ğ riche got múz ívch bewarn
 0,5 Vñ mache ívch kúrzlich wol gefút
 0,6 Ich wil tûn mín vrowen kunt
 0,7 Daz man den munt ív hat gefniten
 0,8 Vñ ir daz manlich habt erliten
 0,1 “Du folt von mir ġ vrowen dín
 0,2 Niht fagen wan den dieneft mín
 0,3 Ich engetar niht m̃ enbíeten ir
 0,4 Wan fwem du wil dem fag vō mír
 0,5 Swaz hie erliten hat mín lip
 0,6 Daz fi gefchehen durch eín wip
 0,7 Dív sprach mir ftúnd mín mūt niht wol
 0,8 Da von ich difen fmerzē dol.
 0,1 Der diene ich alfo minív iar
 0,2 Daz fag von mir wol offenpar
 0,3 Swaz fo ir an mir míflehaget
 0,4 Dem íft von mír gar wiđ faget
 0,5 Gevíel ir niht mín zefwenív hant
 0,6 Ich flûg fi ab bi got zehant

0,7 Ich wil da von niht sprechen vil
 0,8 Ich wil doch niht wan daz si wil”
 0,1 Svs reit d̃ knappe von mir dan
 0,2 hie lag ich als ein wunde man
 0,3 Wol fehstalp wochen ođ me
 0,4 Mir was wol mir was we
 0,5 We da von min lip was wunt
 0,6 So was min h̃ze wol gefunt
 0,7 D̃ minne twingen twanc mich fo
 0,8 Daz mir was we vñ was doch fro
 0,1 Ich was et vro fwaz mir geschach
 0,2 Von hung̃ grozen vngemach
 0,3 Vñ ouch von durfte den leid ich
 0,4 Ich kunde pringen niht in mich
 0,5 Zend vñ mūt mir taten we
 0,6 Ein falbe noch grüner denn d̃ kle
 0,7 Streich man mir in minen munt
 0,8 Diu stanc alſam ein fuler hunt
 0,1 Do mich des libes not betwanc
 0,2 Daz ich az ođ daz ich tranc
 0,3 Div falbe gar dann in mich gie
 0,4 Da von min lip den ſmac gevie
 0,5 Daz trinchen ezen wider stunt
 0,6 Mir. fo tet ich al die tunt
 0,7 Die vor siechtum ouch ezent niht
 0,8 Des wart min lip vil gar enwiht
 0,1 Ich han iv nu genūc gefeit
 0,2 Wie ich durch mine frowen fneit
 0,3 Minen munt nu fult ir me
 0,4 hören wie ez für baz erge
 0,5 Ze græz ich also lange was
 0,6 Vnz daz min lip vil wol genas
 0,7 Do raît ich danne ſa zehant
 0,8 Mit fruden da ich min niftel vant
 0,1 Do mich div aller verrest ſach
 0,2 Nu fult ir hören wie si sprach
 0,3 “Den munt dir niemen mere ſol
 0,4 Ṽ wizen er stat dir nu wol
 0,5 Sich hat din dinc gefuget fo
 0,6 Daz ich ſin pin von h̃zen fro.
 0,7 Ouch iſt mir endelich gefeit
 0,8 Gar dines libes arbeit
 0,1 Ouch iſt daz von mir niht beliben
 0,2 Ich hab ez allez angeſchriben
 0,3 Vñ wil ez ſenden an die stat
 0,4 Da din lip ie gnaden bat
 0,5 Ich mein die lieben frowen din
 0,6 D̃ wil ich vf die triwe min

- 0,7 Vñ ouch uf mine fælde iehen
 0,8 Daz ez gar von ir ift gefchehen
 0,1 Von einẽ worte daz si sprach
 0,2 dīv gūte do ich si nahfte fach
 0,3 Daz ir dīn munt geveile niht
 0,4 Mīn brief fol ouch v̄fwigen niht
 0,5 Dīn manícfalden arbeit
 0,6 Vñ ouch dīn wernde stætecheit
 0,7 Di du mīt triwen gegen ir haft
 0,8 Vñ ouch ir nīm̃ abgestaft”
 0,1 “Niftel mīn nu lon dir got
 0,2 Vil fūze wip getriwer bot
 0,3 Du tūft mir als rehte wol
 0,4 Daz ich ez von rehte dīenen fol
 0,5 Du haft mir fo wol getan
 0,6 Daz ich fīn niht v̄dīenen kan
 0,7 Gegen mir dīn h̄ze ie triwe riet
 0,8 Ich hab et aļ nīwiv liet
 0,1 Gefungen dīv foltu von mīr
 0,2 Durch mīnen willen fenden ir
 0,3 Do ich ze græze siech lac
 0,4 Die wile ich si ze rihten pflac
 0,5 Ir lop mir ofte fanfte tūt
 0,6 Ir lop mīr gibt vil hohen mūt
 0,7 Ir lop mich ofte machet vro
 0,8 Nu hore dīv liet dīv sprechent fo.”
 0, Daz ift dīv anđ tanz wifē
 0,1 Ich ne weiz waz ich finge
 0,2 von đ naht dīv gibt mīr frūde niht·
 0,3 Mīn hohgedinge
 0,4 ligt an dem tage wan er ift lieht.
 0,5 Ouch ift fīn schín
 0,6 der vrowen mīn
 0,7 vil gelich. des mūz er fælic fīn.
 0,1 Er mac von schulden
 0,2 loben die naht đ fæliclichen leit.
 0,3 so mūz ich dulden
 0,4 fenediv leit. da von traht ich ir niht
 0,5 vñ lobe den *tac*.
 0,6 fwenn ich si mac
 0,7 sehen div mir wol heilet forgen flac·
 110cb,1 Den *tac* ich ere
 110cb,2 do ich die vil gūten erste fach.
 110cb,3 Sīt im̃ mere
 110cb,4 gab dīv naht mīr lait vñ vngemach·
 110cb,5 si ift mir gram
 110cb,6 vñ ich ir sam·

- 110cb,7 Wol dir tac vil fæ=lic fei dín nam
- 110db,1 So mich befezen
 110db,2 nahtes habent die forge alfam die fchar
 110db,3 Des wirt v̇gezen
 110db,4 fā. fo mir ð tac erschínet clar.
 110db,5 So chūmet ein wan
 110db,6 daz ich fūl gan
 110db,7 die vil fchōnen tau=gen fehen an·
- 110eb,1 Vil gerne ich wolde
 110eb,2 loben die naht ergíeng ez imm̃ fo.
 110eb,3 Daz ich ir folde
 110eb,4 nahen ligen div mich nu tūt vnvro·
 110eb,5 Wer wær ich dann
 110eb,6 ich fælic man.
 110eb,7 We daz mírs div gūt niht engan·
- 111b,1 “Liet vñ brief fand ich dar
 111b,2 vñ wil ir endelichen gar
 111b,3 Enbieten fwes du haft v̇iehen
 111b,4 Vñ daz ich dich han gefehen
 111b,5 Ich wil ouch ir daz macheñ kunt
 111b,6 Daz dir alf rehte stat ð munt
 111b,7 Fúr war alf einem andern man
 111b,8 Da wil ich ir niht liegen an·
- 112b,1 Den brief den fi her wið mir
 112b,2 Sendet fr̃unt den wil ich dir
 112b,3 Senden ob er dir ist gūt”
 112b,4 “Ja liebú niftel wolgemūt
 112b,5 Dín bot mích vindet bi ð mūr”
 112b,6 Mit fōlher rede ich von ir fūr·
 112b,7 vro vñ hohes mūtes heím
 112b,8 Den rechten wec gegen liechtensteín
- 113b,1 Sa do ich von danne quam
 113b,2 Liet vñ brief mín niftel nam
 113b,3 Vñ fand dív willeclich ze hant
 113b,4 hín da man mín vrowen vant
 113b,5 Ð bot vnlange bi ir was
 113b,6 Wan fā do fi den brief gelas
 113b,7 Vñ ouch dív liet do fchreip fi wið
 113b,8 Seht einen brief ð gefrūt mich fīð·
- 114b,1 Do ð brief chom ð nifteln mín
 114b,2 zehant do mußt ein bot uf fín
 114b,3 Bidem fo fandē fi ín mír

- 114b,4 Des neig ich willeclichen ir
 114b,5 Ð brief ð tet min herze vro
 114b,6 Mîn mût ð stunt von schulden ho
 114b,7 So gern ich e nie brief gefach
 114b,8 Nu fûld ir horen wie er sprach
- 114a,1 Mîn huld vñ ouch den dieneft
 114a,2 mîn enbiut ich dir vil willeclichen· Vnd
 114a,3 tun dir kunt. Daz ich mich hebe Von dem
 114a,4 nahften mantage von dem hufe. da ich
 114a,5 alzan uf bîn. vñ var hînze dem hufe alf
 114a,6 du wol weißt Vñ bîn vber naht indem
 114a,7 market ð bi dir lît. nu bît ich dich.
 114a,8 da du des iht laßt. du chomeft dar zu.
 114a,9 mîr. so wil ich dir allez des antwürten
 114a,10 des du mir enboten haft· Wil ouch dîn
 114a,11 neve dar chomen den sihe ich gern. durch
 114a,12 fînen munt wie im ð fte. Vñ durch
 114a,13 ands niht
- 115a,a **Aventivr wie ð vlrich mit fîner**
 115a,b **vrowen wart erst redehaft**
 115a,1 Do mîr ð brief gelesen wart
 115a,2 Ich hub mich zu ir an di vart
 115a,3 Mir was viel liebe dran geschehen
 115a,4 Daz ich die gûten folde fehen
 115a,5 Ich reit zû ir vil hoch gemût
 115a,6 Do was si leið so behût
 115a,7 Daz ich si den abent nie gefach
 115a,8 Dar an vil leide mîr geschach
- 116a,1 Mîn lip entflief des nahtes nie
 116a,2 Des morgens do dîv funne uf gie
 116a,3 Do stunt ich vf vñ gie zehant
 116a,4 Hîn da ich ir gefinde vant
 116a,5 Ritt vñ vil manigen kneht
 116a,6 Die grûzt ich wol daz was mîn reht
 116a,7 Ir dancken daz was zûhte rich
 116a,8 Vñ ir gebærde mînneclich
- 117a,1 Dar nach vil fchiere was vnlanc
 117a,2 Ir caplan eine meßsanc
 117a,3 Da mîr vil liebe von geschach
 117a,4 Wan ich da mîne vrowen sach
 117a,5 Mît grozen vorhten ich dar gie
 117a,6 Da mîch dîv tugent rich enpfie
 117a,7 Do si mîch sach dîv gût mir neic
 117a,8 Den gruz mît worten si vfwieic

118a,1 Dív meſſe gar zekurz mir was
 118a,2 Swaz man da fanc ođ las
 118a,3 Des ṽnam ich alles niht
 118a,4 Mir^z tet ſo wol dív angefiht
 118a,5 Andaz vil reíne fūze wip
 118a,6 Daz lútzel horte da mín lip.
 118a,7 Swaz man da fanc ođ fwaz man ſp^ach
 118a,8 Ich was et wan đ fi an fach·

119a,1 Div meſſe kurzlich endet ſich
 119a,2 Alzehant do hiez man mich
 119a,3 Ṽn anđ man gar alle uz gen·
 119a,4 Man lie vnf da niht lang ſten.
 119a,5 Mín vrowe en beíz ṽn reit zehant
 119a,6 Ich gie hín da ich míne níftel vant
 119a,7 Dív lachet ṽn fach mich gútlich an
 119a,8 Si ſprach “du biſt eín ſælic man

120a,1 Mín vrowe hat erlúbet dir
 120a,2 Daz du hívt felbe ſolt mít ir
 120a,3 Reden fwaz dich dunchet gút
 120a,4 Si iſt gegen dir niht vngemút
 120a,5 Du ſolt zu ir híut vf dem Wege
 120a,6 Riten ſo ez ſich fügen mege
 120a,7 Ṽn rede mít ir fwaz du wil
 120a,8 Ṽn mach ez idoch niht ze vil”

121a,1 Des was ich vro ṽn vil gemeít
 121a,2 Zehant ich nach đ ṽden reit
 121a,3 Do ich fi vor mir riten fach
 121a,4 Daz herze mín vz frúden ſprach
 121a,5 “Nu dar nu ſoltu reden mit ir
 121a,6 Allez daz geualle dir
 121a,7 Si ritet vor dir funđ hūt
 121a,8 Rede mit ir fwaz dich dunche gút”

122a,1 Sa rait ich paltlich zu ir dar
 122a,2 Do fi mín bi ir wart gewar
 122a,3 Si kert ſich von mir vmbe hín
 122a,4 Da von ſo zaghaft wart mín ſín
 122a,5 Daz mir erſtumbet anđ ſtunt
 122a,6 Dív zunge mín ṽn ouch đ munt
 122a,7 Ṽn mír daz hubet nider feíc
 122a,8 Mín lip reht alf eín ſtumbe fweíc·

123a,1 Eín anđ riter zu ir reít.
 123a,2 Do habt ich uf ṽn was ṽzeít

123a,3 In vorhten reít ich hínten nach
 123a,4 Daz herze mín ot aß fprach
 123a,5 “Ja du vil gar v̇zagter lip
 123a,6 Vñ fúrhtestu ein fo gut wip·
 123a,7 Si het dir weiz got niht getan
 123a,8 We daz dín munt niht reden kan

124a,1 Lip nu hõre waz ich fage
 124a,2 Wil du mít Worten fín ein zag
 124a,3 So kan dir nimm̃ liep geschehen
 124a,4 Des wil ich uf mín felde iehen
 124a,5 Vñ scheidestu also von ir
 124a,6 Daz si nimm̃ mere dir
 124a,7 Wirt holt bi allen dínen tagen
 124a,8 Si müz dich han für einen zagen”

125a,1 Min herze vil gestrafte mích
 125a,2 Da von ermannet ot aß ich
 125a,3 Vñ raít zu ir do daz gefchach
 125a,4 Dív reine fūze mích an fach
 125a,5 Von ir anfehen mín lip erschrac
 125a,6 Daz ich et aß fwigens pflac
 125a,7 Ḋ minnen kraft mir alzehant
 125a,8 Den mínen munt zefamen bant

126a,1 Ir fült für war glauben daz
 126a,2 Daz ich niht wesse wa ich faz
 126a,3 “Lip” sprach aß daz ḣze mín
 126a,4 “Daz du vnfælic muzeft fín
 126a,5 Du bist zware ein bõse man
 126a,6 Do si dich fach fo gütlich an
 126a,7 Daz du spreche gegen ir niht
 126a,8 Des mußtú imm̃ fin en wiht”

127a,1 “Sich ḣze mín got weiz ez wol
 127a,2 Swenne ich gegen ir iht sprechen sol
 127a,3 Ich weiz niht wa von ez geschiht
 127a,4 Daz ich ein wort mac sprechen niht
 127a,5 Mir wirt v̇fperret so ḋ munt
 127a,6 Daz ich zeware sa an ḋ stunt
 127a,7 Ein wort ḣ für niht pringen kan
 127a,8 Des pín ich ein vnfælic man”

128a,1 “Lip du solt gelouben mir
 128a,2 Du schaffest groz vnfælde dir
 128a,3 Ich wil dirf vf mín tríwe iehen
 128a,4 Mir vñ dir muz vil we geschehen
 128a,5 Vñ nimm̃ wol deheíne stunt

- 128a,6 Vñ tûr ir niht dîn bôfer munt.
 128a,7 Mit Worten kunt den Willen mîn
 128a,8 Ez muoz dîn vñ mîn Ende fîn
- 129a,1 Nv sich du vil bôfer lip
 129a,2 Vor dir dort ritet daz wîde wip
 129a,3 Vil gar eine vnbehût
 129a,4 Wie bistu also vn gemût
 129a,5 Daz du niht ritest zu ir dar
 129a,6 Vñ sag ir dînen Willen gar
 129a,7 Nu dar ez ist fûr war mîn rat
 129a,8 Dir wirt fîn liht nîmme mere stat”
- 130a,1 Ich rait et aber zu ir dar
 130a,2 Von vorhten was ich vngevar
 130a,3 Mîn angeft was ze sprechen groz
 130a,4 Daz hîze mîn mir mangel stoz
 130a,5 Mit sprûngen stiez an mîne bruft
 130a,6 Ze reden was gar fîn gluft
 130a,7 Ez sp^ach “nu sprich nu spich nu sprich
 130a,8 Sît daz nu niemen irret dich”
- 131a,1 Ich tet fûr war wol zehen stunt
 131a,2 Gegen ir ze sprechen uf den munt
 131a,3 Do was div zunge mîr gelegen
 131a,4 Si wolde deheînes Wortes pflegen
 131a,5 Ich wil da von niht sprechen me
 131a,6 Ich schiet ot ab von ir als e
 131a,7 Daz ich gegen ir nie Wort gesp^ach
 131a,8 Des tages mir funfftunt daz geschach
- 132a,1 Div tageweid ein Ende nam
 132a,2 Div reine fûze gute quam
 132a,3 Da si des nachtes folde fîn
 132a,4 Des was vn vro daz herze mîn
 132a,5 Die vrowen hiez man do abe heben
 132a,6 Ich bat mir daz heben geben
 132a,7 Ich hub die vrowen abe vil gar
 132a,8 Ir was vil mangiv druncl clar
- 133a,1 Noch habt si dort div vâches vri
 133a,2 Vñ ir pferde ir stunden bi
 133a,3 Rît vñ chappen vil
 133a,4 Mît den het si ir schimpfes spil
 133a,5 Daz heben ich dar trûc
 133a,6 Si sprach “ir seît niht starc genûc
 133a,7 Ir muget mich abe heben niht
 133a,8 Ir seît chanc dar zu enwiht”

- 134a,1 Des schimpfes wart gelachet da
 134a,2 do trat si vf daz hebisen fa
 134a,3 Do si her von dem fatel fleif
 134a,4 bi minem har si mich begreif
 134a,5 Vholn daz ez niemen fach
 134a,6 Div gut mir einen loc vz prach
 134a,7 "Daz habet iv des ir feit vzaght
 134a,8 Mir ist niht war von iv gefagt"
- 135a,1 Div gute zu ir vrowen gie
 135a,2 Min lip d stunt altruric hie
 135a,3 Ich gedaht we wie ist mir geschehen
 135a,4 Ich muz des wol von schulden iehen
 135a,5 Daz nie man also bofer wart
 135a,6 wie han ich mich gegen ir bewart
 135a,7 Si wirt mir nimme mere holt
 135a,8 Des hat si reht ich han ez vfolte
- 136a,1 In den gedanchen so stund ich
 136a,2 Ein ritte d hiez balde mich
 136a,3 Varn. man sold die vrowen lan
 136a,4 An ir gemach do reit ich dan
 136a,5 Ze herbergen in die stat
 136a,6 Got ich vil vliziclichen pat
 136a,7 Daz er mir schiere neme daz leben
 136a,8 Vn swaz er het mir hie gegeben
- 137a,1 Ab wege ich in ein kamer fur
 137a,2 Den leuten ich vil tivre swur
 137a,3 Ich were sich daz was ouch war
 137a,4 D lip mich allenthalben swar
 137a,5 Daz herze min het michel not
 137a,6 Ez was vil nach vor leide tot
 137a,7 Ich want mich h ich want mich hin
 137a,8 Ich het vswandelt nach den fin
- 138a,1 Ich sprach owe owe "owe we
 138a,2 we mir hiut vn immer me
 138a,3 Owe daz ich ie wart geborn
 138a,4 Wie han ich vreud vn ere vlorn
 138a,5 Wie hat vnselde mir vgeben
 138a,6 Vn sold ich tufent iar nu leben
 138a,7 Ich wurde nimme mere vro
 138a,8 Daz ist min reht nu si also
- 139a,1 Min lip ist wol vnselden wt
 139a,2 D pin ich volleclich gewert

- 139a,3 Ich mûz nu im̃ haben leit
 139a,4 Daz leit min lip von schulden treit
 139a,5 Swaz leides im̃ mir gefchiht
 139a,6 Des han ich fûr ṽbel niht
 139a,7 Wan ichz vil wol ṽdienet han
 139a,8 Ich fol von reht vnfælde han
- 140a,1 Owe we ṽn im̃ we
 140a,2 zwiv fol ich armer im̃ me
 140a,3 Sît daz ich pîn fo gar en wiht
 140a,4 Daz ich getorste sprechen niht
 140a,5 Wið mîn vreuden hort.
 140a,6 Mînes willen doch ein wort
 140a,7 Des mûz mîn munt vnfælic seîn
 140a,8 Im̃ vnd diu zunge min
- 141a,1 Mir wære liep ṽn wær ich tot
 141a,2 Sitdatz ich in fenelich not
 141a,3 Nu im̃ mer beliben mûz
 141a,4 Mir wirdet nimm̃ forgen pûz
 141a,5 Ich mûz in forgen im̃ fîn
 141a,6 Sitdaz ich han die vrowen mîn
 141a,7 Die ich ze freuden het erkorn
 141a,8 von miner bofheit fo ṽlorn
- 142a,1 Waz welt ir daz ich mere fage
 142a,2 Ich was die naht in manig clage
 142a,3 Vnzdz mir chom ð anð tac
 142a,4 Izu ich faz izu ich lac
 142a,5 Izû ich stunt izu ich gie
 142a,6 Ich want mich dort ich want mich hie
 142a,7 Die hende mîn ich ofte want
 142a,8 Mîn mage mich ein also vant
- 143a,1 Der gie des morgens vrû zu mir
 143a,2 Er sprach zu mir “waz wirret dir”
 143a,3 Ich iach “mir ist an dem hîzen we
 143a,4 Ṽn wirt des ie me ṽn me
 143a,5 Ich wene ez welle mir presten abe
 143a,6 Da von ich han diſe vngehabe
 143a,7 Ich mac gesitzen noch geſten
 143a,8 Mir tût ot niht fo wol fo gen.”
- 144a,1 Er sprach “ez ist ein arzet hie”
 144a,2 “Den princ mir” zehant er gie
 144a,3 Hîn nach dem meißt in die stat
 144a,4 Ein pferd ich mir gewinnen pat
 144a,5 Ṽn einen kneht ð mit mir reit

- 144a,6 zehant ich langer da niht peit
 144a,7 Ich ran alfam ein tobend man
 144a,8 Hin da ich die guten hete lan
- 145a,1 Do ich dar quam geloubet daz
 145a,2 Min vrowe dort vffe ir pferde saz
 145a,3 Vn reit die straze gegen mir her
 145a,4 Nach mines feneden herzen ger
 145a,5 Nach vrowen sitten si her reit.
 145a,6 In ein capen wol gecleit
 145a,7 Do si mich sach mir wart genigen
 145a,8 Von mir wart ouch niht mer gefwigen
- 146a,1 Ich sprach "gnade vrowe min
 146a,2 Ir fult durch got genedic sin
 146a,3 Mir. Vn durch die wdicheit
 146a,4 D got an ivch hat vil geleit
 146a,5 Gnade vrowe gnade rich
 146a,6 Genadet mir genediclich
 146a,7 Ir sit an d min frude lit
 146a,8 Gar min fruden hochgezeit
- 147a,1 Ir fult geloben mir fur war.
 147a,2 Ich han iv elliv miniv iar
 147a,3 Gedienet seit ze d fuzen stunt
 147a,4 Daz ir alrest mir wurdet kunt
 147a,5 Ich bin iv dienstes vnd tan
 147a,6 Mit triwen als ich pesten kan
 147a,7 Min dienst ist an ivch geleit
 147a,8 Mit luttlicher steticheit
- 148a,1 Vrowe ob al den fruden min
 148a,2 Nu lat mich ivren rit sin
 148a,3 So daz ir dienest erlobet mir
 148a,4 Durch iwer tugent so fult ir
 148a,5 Gedenchen daz ich nie gewan
 148a,6 Noch imm mer gewinnen kan
 148a,7 So liebez niht so iwer lip
 148a,8 Vil reine fize selic wip
- 149a,1 Bedenchet mich durch iwer tugent
 149a,2 Durch iwer hoch gelobte iugent
 149a,3 Durch iwer hohe selicheit
 149a,4 bedenket mine steticheit
 149a,5 Lat mich geniezen daz ir sit
 149a,6 Div liebestiv mir gar ane strit
 149a,7 Tut mir swie iwer gnade si
 149a,8 Iu ist min dienst imm bi

- 150a,1 Ich wil durch ivch vil w̃dez wip
 150a,2 Gerne wagen mīnen lip
 150a,3 Mīt rittlicher arbeit
 150a,4 Mīn dienft wirt an ivch geleit
 150a,5 Swa mīt ein ritt dienen fol
 150a,6 Da mīt kan ich iv dienen wol
 150a,7 Ich fol ich mūz ich gern wil
 150a,8 Iv dienen an mīn endes zil”
- 151a,1 “Swiget ir fīt gar zekint
 151a,2 Vñ gegen fo hohen dīngen blint
 151a,3 Ir fūlt die rede lazen fīn
 151a,4 Als lieb iv fīn die hulde mīn
 151a,5 Vñ ritet von mīr palde hīn
 151a,6 Iv ift noch gar ze tump d̃ fīn
 151a,7 Iv mac dīv rede zefchadē chomē
 151a,8 Si kan iv nīm̃ niht gefrumen”
- 152a,1 “Vil liebiv vrowe ir habt daz war
 152a,2 Ich bīn zetump noch dar zu gar
 152a,3 Daz ich mīt iv fo niht enkan
 152a,4 Gereden alf ich willen han
 152a,5 Añds pīn ich wol fo wif.
 152a,6 Daz ich behalt wol riters pris
 152a,7 Iv ze dienft fuñd wanc
 152a,8 Dar zū fī bīn ich niht ze kranc”
- 153a,1 “Vart von mir daz ift mīn rat
 153a,2 Ob iwer lip iht finne hat
 153a,3 Lat mīt mir iwer rounen fīn
 153a,4 Ir wīzet wol man hūtet mīn
 153a,5 Hat iemen iwer rede ṽnomen
 153a,6 Mīt mir daz mac zefchadē komē
 153a,7 Ir fūlt mīch mit gemache lan
 153a,8 Defwar ir feit ein mūlich man”
- 154a,1 Div gūte fa hīn vmbe fach
 154a,2 Zu einem ritter fī do fprach
 154a,3 “Ir fult zu mīr ouch riten her
 154a,4 Sol bi mīr niemen riten mer
 154a,5 Niwan ein riter daz ift niht gūt
 154a,6 Seht daz irz im̃ mer getūt
 154a,7 Ez ftat iv allen vbel an
 154a,8 Sol mīt mīr riten wan ein man.”
- 155a,1 Ich fprach “fī hat iv reht gefeit
 155a,2 Ez ift zewar ein vnhūbscheit

- 155a,3 Ich weiz daz wol ez miſſeſtat
 155a,4 Daz irf ſelb anđ riten lat
 155a,5 Nu heizet mer ritt riten her
 155a,6 Sít daz an ívch mín vrowe ger”
 155a,7 Mer danne ſehſe ir ſa dar riten
 155a,8 Đ fus đ fo nach ritterf ſíten

 156a,1 Mín rede muſt mít ir eín ende han
 156a,2 Ich nam vrlup vñ reit von dan
 156a,3 Ich was von hcen hoch gemút
 156a,4 Mich dúht mín gelinge wær gút
 156a,5 Daz ich het míner vrowen ſcheín
 156a,6 Gefeit eín teil den willen mín
 156a,7 Des was ich innecliche vro
 156a,8 Mín mût geſtunt e nie ſo ho

 157a,1 Do fuht ich rittſchaft zehant
 157a,2 Swa man die ín dem lande vant
 157a,3 Da muſt man mich zeware ſehen
 157a,4 Vñ ouch für eínen ritt ſpehen
 157a,5 Des fumers mír ſo wol geſchach
 157a,6 Daz ich ze rehter tyoſte ſtach
 157a,7 Eínen wden ritt nider
 157a,8 Des danchte mir mín vrowe ſíd

 158a,1 Ich ſagt ív mín ſælden mer
 158a,2 Wandaz ich fürhte đ vñ đ.
 158a,3 So ſpreche ich rúme mich ze vil
 158a,4 Da von ichs vil vfwigen wil
 158a,5 Ich was ot hohes mutes rich
 158a,6 Den fumer für ich rittlich
 158a,7 Reht als eín frowen ritt fol
 158a,8 Des muſt mír gelíngen wol

 159a,1 Der wínd was ot ab chomen
 159a,2 Đ ſum het ouch end genomen
 159a,3 Do muſt man lazen rittſchaft
 159a,4 Do tiht ich liet vñ eín botſchaft
 159a,5 Vñ fant ez ſa đ nifteln mín
 159a,6 Dív ímñ ſælíc múze ſín
 159a,7 Dív fand ſi beidív balde dar
 159a,8 Da ich hín diene miníu iar

 160a,1 Der bot wart balde dar gefant
 160a,2 Er was đ gúten wol bekant
 160a,3 Si hiez ín willechomen ſín
 160a,4 “Gnade” ſprach er “vrowe mín
 160a,5 Ich han eín búchelín iv braht

- 160a,6 Daz fült ir lefen gegen ð naht
 160a,7 Da ftet an ein vil gût gepet
 160a,8 Vil tugentlichív vrowe fet”
- 161a,1 Daz pûchel fa div fûze nam
 161a,2 Als ez ir tugenden wol gezam
 161a,3 Si wande da ftûnd an ein gepet
 161a,4 Div reine gût ez uf tet
 161a,5 Si fchöwet ez [hie] fifchöwet ez dort
 161a,6 Da ftunden an vil fûzív wort
 161a,7 Dort vñ hie fi ez gar gefach
 161a,8 Nu horet wie daz pûchel fprach
- 870a,1 Uñ bant mir abe den helm min
 870a,2 Er fprach “vil edeliv kunegin
 870a,3 Ich laz ivch hie niht ftechen mer
 870a,4 Ir habt vftochen drizíc fper
 870a,5 hie des ift iv alze vil·
 870a,6 Niht mer ich ivf geftaten wil”
 870a,7 Mích nam ð hochgemute man
 870a,8 Sa bi dem zoum vñ zoumt mich dā
- 871a,1 Mít mír er von den leuten reít
 871a,2 da ein tepich was nið geleít
 871a,3 Dar vffe entwapent ich mích da
 871a,4 Vñ chleíte mich als ein vrowe fa
 871a,5 Ich wart da fchiere wol gechleít
 871a,6 In choftlichív vrowen chleít
 871a,7 Ez wart nie vrowe gechleidet baz
 871a,8 Vf ein fchôn pferd ich faz
- 872a,1 Ich reít da ich tyoftiren fach
 872a,2 Da liten ritt vngemach
 872a,3 Mit reitlich arbeit
 872a,4 Vil maniĝ vngemach da leit
 872a,5 Man tyoftirte dort vñ hie
 872a,6 Vil manic fchôn tyoft ergie
 872a,7 Vf dem velde was grozer chrach
 872a,8 Vil drumzun man da vallen fach
- 873a,1 Da wart vftochen vil manic fper
 873a,2 Waz fol ich iv fagen mer
 873a,3 Wandaz da was fchôn ritt fpil.
 873a,4 Da wart getyoftirte vil.
 873a,5 Vñ manic fchôn tyoft geriten
 873a,6 Mit chunft nach rittlichen fiten
 873a,7 Da manic fchôn puneíz gefchach
 873a,8 Do mín lip des gnuc gefach·

- 874a,1 Di ritt ich ez lazzen bat.
 874a,2 Do zogt wir fa gar gegen ð stat
 874a,3 Min lip mît zuhten was gemeit
 874a,4 Ein ritt fa do zu mir reit.
 874a,5 Ð sprach “vil edeliv kûnegîn
 874a,6 Iv hat enboten ð herre mín
 874a,7 Von kûnrîngen mín h̄ hademar
 874a,8 Er welliv dienen fîniv iar
- 875a,1 Dar vmbe daz ir hie bîtet fîn
 875a,2 Vil hoch gelobtív kûnegîn
 875a,3 bizdaz fîn lip gewapent sich
 875a,4 Des hiez er vrowe iuch bîten mîch
 875a,5 Daz er v̄fteche gegen iv ein sper
 875a,6 Noch hînt daz ift des heldes ger
 875a,7 fwaz iwer wille dar an fi
 875a,8 Daz enbietet im vrowe wandelf fri’
- 876a,1 Ich sprach “nu fagt h̄n hademar
 876a,2 Daz mín lip ift hînt mûde gar
 876a,3 Daz er daz durch fîn fûge tû
 876a,4 Vn̄ sich enthalt vn̄z morgen frû
 876a,5 Vn̄ wil er danne zehen sper
 876a,6 V̄ftechen gern ich in des wer
 876a,7 Ich weiz wol er ift fo wol gemût
 876a,8 Daz erz mît gûtem willen tût”
- 877a,1 Der bot sprach “edeliv kûnegîn
 877a,2 Er folz hînt gern lazzen fîn
 877a,3 Sit irz im morgen fît bereit”
 877a,4 Da mît ð bote von mîr reit
 877a,5 Vn̄ fagt h̄m hademar
 877a,6 Swaz ich im enbot mît zuhten gar
 877a,7 Er sprach “ich hanz wol fûr gût
 877a,8 Sit fi ez morgen gerne tût.”
- 878a,1 Da mit reit ich an mínen gmach
 878a,2 Eine rede man do da von mir sprach
 878a,3 Dív was mîr h̄tzenlichen leit
 878a,4 Man sprach “dív kûneginne hat v̄feit
 878a,5 H̄n hademar ir tyofte hie
 878a,6 Daz tet fi fûr war ritt nie
 878a,7 Ich wæn fîz dar vmbe hat getan
 878a,8 Daz man des giht er minne die m̄a.”
- 879a,1 Do dív rede alfo verre quam
 879a,2 Daz fi h̄ hadmar v̄nam

- 879a,3 Ir fūlt fūr war geluben daz
 879a,4 Er wart mīr hertzenlich gehaz
 879a,5 Daz was doch ane die schulde mīn
 879a,6 Er sprach “ez muz dīv kunegīn
 879a,7 Vmbe dīse rede geligen nīd”
 879a,8 Des vleiz er sich vil fere fīd
- 880a,1 In mīn herberge was ich do
 880a,2 Vn het gemach mīn mūt ftunt ho
 880a,3 Ein rit̃ chom zu mīr zehant
 880a,4 D̃ iv von mīr hie wirt genant
 880a,5 Von kūneges brunne d̃ biðbe man
 880a,6 H̃ engelfchal̃ d̃ nie gewan
 880a,7 Deheinen vnrit̃lichen mūt
 880a,8 Er het vor schanden sich behūt
- 881a,1 Der biðbe tet mir an d̃ ftunt
 881a,2 Durch fīne zuht vil heīnlich kunt
 881a,3 Daz mīr h̃ hadmar wær gehaz
 881a,4 Vn fagt mir rehte gar vmbe waz
 881a,5 Er warnte des durch trīwe mich
 881a,6 “H̃ hademar d̃ hat sich
 881a,7 Ṽmezzē tiwer er fūge iv leīt
 881a,8 Daz han ich iv durch gut gefeīt”
- 882a,1 Ich sprach “des mac wol wden rat
 882a,2 Swen er gegen mīr geschaffen hat
 882a,3 Mīt hurt dem mac da schade gefche hē
 882a,4 Als liht alf mīr daz laze ich sehen
 882a,5 Swer mich mīt hurt sol riten nīd
 882a,6 Ich tribe mīn orffe gegen im hin wið
 882a,7 Also daz er liht an d̃ zit
 882a,8 Zehuffen mīt mir nīd leīt”
- 883a,1 Doch danchte ich da dem biðben man
 883a,2 Des warnens des er het getan
 883a,3 Mich da mīt schiet er von mīr
 883a,4 Ze ruwen was do al mīn gir
 883a,5 Durch ruwe ich an dem bette lac
 883a,6 bizdaz mīr chom d̃ anð tac
 883a,7 Do chleīt ich mīch vn reit vō dan.
 883a,8 Mīt mīr reit dan manic biðbe man
- 884a,1 Ich het mich ab̃ wol gechleīt
 884a,2 Gegen nīwenburc mīn lip fā reit
 884a,3 Ṽber di tūnowe fūr ich da
 884a,4 Vn reit enhalp ze nīwenburc fā
 884a,5 Da mīn wol hundt rit̃ bīten

- 884a,6 Die biðben fchone gegen mîr riten
 884a,7 Si vlizen des mît willen fîch
 884a,8 Daz fî da fchone enpfîngen mîch
- 885a,1 Ez was dannoch des morgenf frû
 885a,2 Mit rîttſchaft wir grîffen zû
 885a,3 Da wart ein fchône rîtt ſpil
 885a,4 Ð rîtt was dar chomen vil.
 885a,5 Da von ich fîn da frû began
 885a,6 Da was vil manîc biðbe man·
 885a,7 Da zîmîrt manîg wol den lip
 885a,8 Durch dív vil reînen fûzzen wîp.
- 886a,1 Ich was ouch da gezimirt wol
 886a,2 Von reht ich ív nu fagen fol
 886a,3 Wer da des erſten mît mîr ſtach
 886a,4 Her Gotfrit von totzenpach
 886a,5 Was genant ð biðbe man
 886a,6 Sîn lip vntugende nîe gewan
 886a,7 Er warp vmbe vrowen vmbevanc
 886a,8 Vil gutív liet er von ín fanc
- 887a,1 Dar nach von ſteutz h̄ vlrîch
 887a,2 Mît mîr da tyoſtirt rîttlîch
 887a,3 Nach dem h̄ otte von ottenſteín
 887a,4 Ein ſper v̄ſtach daz was niht chleín
 887a,5 V̄f mîr do chom ð ſtarche man
 887a,6 Von chvowe v̄n rande mich an
 887a,7 Sîn ſper er durch den ſchilt mín ſtach
 887a,8 Daz man vil verre hort den chrach
- 888a,1 Von hakenb̄c ð arge heínrich
 888a,2 Mît mir da ſtach vil lobelîch
 888a,3 Ð was angute gar v̄zagt
 888a,4 V̄n het iedoch fîn lip beíagt
 888a,5 Mît rîttſchaft vil hohen pris
 888a,6 Ð charge was angute wis
 888a,7 V̄n was ouch manlichez h̄tzen gar
 888a,8 Dív beidív fînt von ím war
- 889a,1 Ich nantf ív gar wol fundlîch
 889a,2 Die da mît mir vil rîttlîch
 889a,3 Stachen wandaz ich weíz wol
 889a,4 Daz man dív mære chûrzen fol
 889a,5 Swa man mit fuge ím̄ chan·
 889a,6 Da was manîc mínne gernð man
 889a,7 In vrowen dienſte fchone chömen
 889a,8 Die fach man ſper mit dyoſte drumen

890a,1 Des tages mît tyoft mir daz gefchach
 890a,2 Daz man mîr von dem hubet ftach
 890a,3 Fur war driftunt den helm mín
 890a,4 Den ich mît fnûren doch fidín
 890a,5 Vf gebunden het vil wol
 890a,6 Als man die helm bînden fol
 890a,7 Daz ich da von geneigt mich nie
 890a,8 Des wundert íene dífe vñ die

891a,1 Div rittſchaft w̃t al den tac
 891a,2 Daz niemen añs níht da pflac
 891a,3 Wan tyoftiren durch div wip
 891a,4 Man vant da mûden rittſ lip
 891a,5 Daz moht ð míne wol eiñ fin
 891a,6 Wan ich da durch die vrowen mín
 891a,7 Tyoftirt vnz an den abent gar
 891a,8 Des wart ich mûde daz ift war

892a,1 Do ich wol vierzic ſper ṽftach
 892a,2 Vñ daz h̃ hadmar erfach·
 892a,3 Daz da von mûde was mín lip
 892a,4 chranc fûr war als ein wip
 892a,5 Do tet er ein vnhoffch dinc
 892a,6 Er braht gegen mîr fa vf den rinch
 892a,7 Einen ritt ð mich níð
 892a,8 Solde riten daz rov iñ fið.

893a,1 Do man iñ gegen mir fûren f[ach]
 893a,2 Von chunges brunne ð biðbe ſprach
 893a,3 H̃ engelfchalc “vrowe chûnegin
 893a,4 Seht ditz fol ð ritt̃ fin
 893a,5 Ð ivch fol nið riten hie
 893a,6 Ich gefach ſo groze vnfuge nie
 893a,7 Bi mínen ziten daz ift war
 893a,8 Als ſi begat h̃ hademar”

894a,1 Ich ſprach “des mac wol w̃den rat
 894a,2 Ob er mîch hurtes niht erlat
 894a,3 So lazze ich ivch daz wolgeſehen
 894a,4 Daz im hie ſchade mac geſchehen
 894a,5 Fûr war noch baz danne mîr
 894a,6 Daz fûlt fûr war gelauben ir
 894a,7 Ir fûlt fûr war wol wizzen daz
 894a,8 Ich kan den puneiz riten baz”

895a,1 Im was gehaz gar mín gedanc
 895a,2 Den puneiz macht ich do lanc

- 895a,3 Do treip ouch er do gegen mîr h̄
 895a,4 Ez was gegen im gar al mîn ger
 895a,5 Daz ich in chôme twerhef an
 895a,6 Ich chom ze twirhs an den man
 895a,7 Vn̄ traf in mît den roffe mîn
 895a,8 So daz da struchen mußt daz fîn
- 896a,1 Ich chom mit hurt fo an den man
 896a,2 Daz ich in von dem fatel dan
 896a,3 Reit boufch vn̄ ouch den ftegereif
 896a,4 Wandaz in ein fîn vrîunt begreif
 896a,5 Sa do ð hurt ergangen was
 896a,6 Er wære gefallen an daz gras
 896a,7 Von chûnringen h̄ hademar
 896a,8 braht einen andern fatel dar
- 897a,1 Den leit man vf daz ros alda
 897a,2 Zwei andriv sper gab man vns fa
 897a,3 Ich daht also “ez muz nu fîn
 897a,4 Daz nîm ich uf die trivwe mîn
 897a,5 Wir mûzez bede hie nîdligen
 897a,6 Oð vn̄ ein fo gefigen.
 897a,7 Daz er die ere fo fûret hîn
 897a,8 Daz ift mîn mût vn̄ ouch min fîn”
- 898a,1 Min orffe treip ich vil vafte dar
 898a,2 Do er an mir des wart gewar
 898a,3 Daz ich in mît hurt da wolde beftan
 898a,4 Do began fo wichen mir ð man
 898a,5 Daz fîn gefpottet wart genûc
 898a,6 Mîn orffe mich doch fo zu im trûch
 898a,7 Daz ich im mît dem tyofte mîn
 898a,8 Stach von dem hûbet den helm fîn
- 899a,1 Ich fage iv wie ð biderbe hiez
 899a,2 Ð da den hurt durch vorhte liez
 899a,3 Von bufenberc was er genant
 899a,4 h̄ bope vn̄ het den mût gewant
 899a,5 In vrowen dienst daz ift war
 899a,6 Den dient er gern finiv iar
 899a,7 Mît rehten triwen fund wanc
 899a,8 Des fol er imm̄ haben danc.
- 900a,1 Nv was ð tac ouch nach žgan
 900a,2 Dochom gegen mir ein hoffch̄ man
 900a,3 Von antfchowe mîn h̄ rûdger
 900a,4 Sin wapenroch fîn deche fîn sper
 900a,5 was allez lieht varbe rot

- 900a,6 Er het vmbe ere groze not
 900a,7 In fremden landen ofte erliten
 900a,8 Vn manige schone tyoft geriten
- 901a,1 Div naht den tac het gar vfwant
 901a,2 Nach grozen liechten ich do fant
 901a,3 D̃ chom mir vf daz velt gar vil
 901a,4 Für war ich iv daz fagen wil
 901a,5 Wir ftachen bi des liehtes schin
 901a,6 So gern dient ich d̃ vrowen min
 901a,7 bi dem lieht wir reht fehs fper
 901a,8 Vftachen ich vn her Rüdger
- 902a,1 In mine h̃berge zogt ich fa
 902a,2 Funf vnd drizic vingerl da
 902a,3 Gab ich den vil lobelich
 902a,4 Die fi gedienten rittlich
 902a,5 heten mit ir chunft also
 902a,6 Daz da ir drumzun vlugen ho
 902a,7 Den gab ich allen vingerlin
 902a,8 Mit willen vz d̃ hende min
- 903a,1 Reht driv vn vierzic fper
 903a,2 Ich da vftach vnhoffich ift er
 903a,3 S̃w des giht vn fin fi niht
 903a,4 Von des hant felten ez gefchiht
 903a,5 Da von erz niht glauben mac
 903a,6 Ich het gestochen al den tac
 903a,7 Vnz in die naht feht daz fult ir
 903a,8 Fur war wol glauben mir
- 904a,1 Ich het die naht da gut gemacht
 904a,2 Des andern tages gegen mistelbach
 904a,3 Ich zogt mit vreuden alzehant
 904a,4 Da ich ouch vrowen dieneft vant
 904a,5 Da wart getyoftirt defwar vil
 904a,6 Daz ich iv churzlich fagen wil
 904a,7 Ich vftach da zehen fper
 904a,8 Vn man uf mir da eines mer
- 905a,1 Einlef rittn hochgemut
 905a,2 Gab ich vingerlin div waren gut
 905a,3 Si heten fi gedienet wol
 905a,4 Si waren hohes mutes vol
 905a,5 Da mit fur ich an min gemacht
 905a,6 Die naht was ich ze mistelbach
 905a,7 Des andern tages reit ich von dan
 905a,8 Mit mir vil manic biderbe man

- 906a,1 Zwei hundt ritt oð mer
 906a,2 Mît mîr danne riten mutes h̄.
 906a,3 Was vil maniĝ ð da reit
 906a,4 Si waren rittlich gecheit
 906a,5 Ich was ouch hohes mutes rich
 906a,6 Die ftrazze zогt ich vil rittlich
 906a,7 Dîv gegen velsperc da gie
 906a,8 Da mîch ð wirt vil wol enpfie
- 907a,1 Er waf genant mîn h̄ cadolt
 907a,2 Von velsperc man was im holt
 907a,3 Von reht durch fîne wdicheit
 907a,4 Ð hoch gemute gegen mir reit
 907a,5 Mît vierzic rittn lobelich
 907a,6 Ð chleîð waren chofterich
 907a,7 Von meist̄s handen wol gefniten
 907a,8 Vil rittlich si gegen mir riten
- 908a,1 Ich wart von in enpfangen da
 908a,2 Vil baz danne sit ofte and̄fwa
 908a,3 Ð wirt hiez mîch mît fenften fiten
 908a,4 Des vil zûhteclichen biten
 908a,5 Daz ich da folde mît im fîn
 908a,6 Er sprach “ez sol dîv chûnegîn
 908a,7 Durch zuht ezzen hie mîn brot
 908a,8 So gern ez ir nie wirt gebot”
- 909a,1 Ich hiez dem ere gernden fagen
 909a,2 Daz er ð bet solt gar gedagen
 909a,3 Wold ich h̄berge von íemen nemen
 909a,4 Dîv môht mîr von im wol gezemen
 909a,5 Daz er ez het für v̄bel niht
 909a,6 Ich n̄eme die vart von níemen niht
 909a,7 Gar vmbe fus daz wære war
 909a,8 Alfo groz als vmb eín har.
- 910a,1 Er sprach “vrowe ez sol gefchehen
 910a,2 Ich wil ívch lazzen vrowen fehen
 910a,3 Von hoñ art gût vñ chlar
 910a,4 In wibes zuhten wol gevar
 910a,5 Die fehent ívch gern daz weíz ich wol
 910a,6 Gegen ív ich ir geníezen sol
 910a,7 So daz ír edelív chûnegîn
 910a,8 Durch si gerûchet hie bi mîr fîn”
- 911a,1 Ich sprach “ich wil die vrowen fehen
 911a,2 Vil gern mag ez so gefchehen

- 911a,3 Daz ir ǎ l̥berge mīch erlat
 911a,4 Der wil ich von iv haben rat
 911a,5 Ze difen ziten daz ift alfo”
 911a,6 Des wart ǎ biǎbe man vn vro
 911a,7 Daz ichz im het so gar v̥feit
 911a,8 In mīne l̥berge ich do reit
- 912a,1 Da vant ich rittlich gemach
 912a,2 Alzehant do daz gefchach
 912a,3 Do chom fūr mīne l̥berge dar
 912a,4 Von liechtensteīn mīn l̥ dietmar
 912a,5 Gezīmirt schon iwapenchleīt
 912a,6 Ez het ǎ biǎbe an sich geleīt
 912a,7 Wapenchleīt vil chofte rich
 912a,8 Von lieht varwe wunnechlich
- 913a,1 Er hielt mīt vf geritem sper
 913a,2 Do chom gegen im mīn l̥ wolfker
 913a,3 Von gorf ǎ chamerere mīn
 913a,4 Def war ǎ chund ouch niht gefīn
 913a,5 Gezīmirt baz denne er da was
 913a,6 Von tíwrerm manne nīe munt gelas
 913a,7 Danne er was daz ist gar war
 913a,8 Des het er ere fīniv iar
- 914a,1 Uon im nīe bosheit wart v̥nomen
 914a,2 Man fach in rittlichen chomen
 914a,3 Als einen man ǎ tyofte gert
 914a,4 Des wart ouch er da wol gew̥t
 914a,5 Do in fach chomen mīn l̥ dietmar
 914a,6 Von lichtensteīn do nam er war
 914a,7 Daz er den buneiz gegen im rit
 914a,8 So daz fīn tyoft in niht v̥mīt
- 915a,1 Ir beiǎ tyoft do geriet alfo
 915a,2 Daz da ir drumzen flugen ho
 915a,3 Von beiden spern wart da chrach
 915a,4 Die tyoft maníc schōne vrowe fach
 915a,5 Die fahen g̃n daz ritt spil
 915a,6 S̥w vrowen lop v̥dienen wil
 915a,7 Daz muz gefchehen mīt arbeit
 915a,8 In ift gemach an mannen leīt
- 916a,1 Von difen beiden wart geriten
 916a,2 Maníc schōn tyoft nach ritt līten
 916a,3 Do ich ir tyoft da vil gefach
 916a,4 Mīn munt uz hohem mute sprach
 916a,5 “Hie mac niht mer gemaches fīn

- 916a,6 Nu bringe mir h̄ daz harnasch m̄n
 916a,7 Ich mac d̄itz niht mer an gefehen
 916a,8 Hie muz ouch tyost von m̄r gefchehē”
- 917a,1 Do hiez ich an d̄ felben stunt
 917a,2 Den ritt̄n balde machen chunt
 917a,3 Swes lip durch vrowen tyofte ġt
 917a,4 Daz er d̄ wurde von m̄r gewert
 917a,5 Anđ ftat maníc biđbe man
 917a,6 Gegen m̄r sich wapen do began
 917a,7 M̄n lip wart ouch gezimirt fa
 917a,8 Defwar wol ritt̄lichen da
- 918a,1 INđ ftat wart v̄ber al
 918a,2 Do von vz zogen grozer schal
 918a,3 W̄r zogten vf daz velt zehant
 918a,4 Da man schonez vrowen dieneft vant
 918a,5 Den wart gedienet da alfo
 918a,6 Daz f̄in da manig wart vn vro
 918a,7 f̄in wart ouch manig hochgemūt
 918a,8 D̄iv beidiv vrowen dieneft tūt
- 919a,1 Nv was ouch uz ze velde chomen
 919a,2 Eín ritt̄ von dem man v̄nomen
 919a,3 Hat manige ritt̄liche tat
 919a,4 Vn d̄ den brif vil offte hat
 919a,5 behalden fwa man dienen fol
 919a,6 Den vrowen den dient er fo wol
 919a,7 Daz er gedient ir habe danc
 919a,8 Vn eteflich vmbe vanc
- 920a,1 Her fifrit weise d̄ biđbe man
 920a,2 Was genant d̄ nie gewan
 920a,3 Deheinen zagelichen mūt
 920a,4 Er was f̄ur war eín ritt̄ ġt
 920a,5 Swa man nach hohem brife ranc
 920a,6 Da wart im ie d̄ habedanc
 920a,7 M̄t ritt̄lich arbeit
 920a,8 Het er v̄dienet w̄dicheit
- 921a,1 Gezimirt vf dem velde hielt
 921a,2 D̄ biđbe man d̄ eren wielt
 921a,3 Ez het d̄ w̄de wol bechant
 921a,4 Eín grozez sper in finer hant
 921a,5 Da m̄t wolt er tyoftirens pflegen
 921a,6 Do het ouch ich mich tyoft bewegen
 921a,7 Ich vn d̄ vil hoch gemute man
 921a,8 Vil balde eínanđ randen an

- 922a,1 Der puneíz wart envollen lanc
 922a,2 Ð fifrit weífe des het gedanc·
 922a,3 Daz er da nið ft^aeche mich
 922a,4 Des felben gedaht ouch ich
 922a,5 Des wart dív tyoft da wol geriten
 922a,6 Vñ vælen bedenthalp v̇miten
 922a,7 Dív tyoft mít hurt alfo gefchach
 922a,8 Daz man da schilt fper breften fach
- 923a,1 Div tyoft mít hurt alfo ergie
 923a,2 Daz beide schilt vñ beidív chnie
 923a,3 Einanð rurten da ein teil
 923a,4 So daz dív chnie von fmerzen meil
 923a,5 Gewunnen vñ die schilt sich chluben
 923a,6 Die spreizel von den scheften flugen
 923a,7 Durch beidív collir wart gebort
 923a,8 Vil wítiv loch mít fperes ort
- 924a,1 Alle die di tyoft gefehen
 924a,2 da heten die hort man da íehen
 924a,3 Si wære vil rittlich ergan
 924a,4 Alzehant do rande mich an
 924a,5 Mín ḣ berhtolt ð rebestoc
 924a,6 Des helm schilt deche vñ wapen roc
 924a,7 Was gefchechet bla vñ golt
 924a,8 Sín lip het eren vil geholt
- 925a,1 Sín lip was ofte vmbe ere gaft
 925a,2 fín fper vf mínem helme braft
 925a,3 So daz ð helm lûte erchlanc
 925a,4 Ð tyoft muft man im wízzen danc
 925a,5 Ouch fûrt ð hoch gemute man
 925a,6 Min fper in fínem schilde dan
 925a,7 Da schilt vñ helme ze famen gie
 925a,8 Mín fper da in dem schilde hie
- 926a,1 Dar nach v̇ftach ich zweínzic fper
 926a,2 Vil rittlich vñ éines mer
 926a,3 Daz éine alfo v̇ ftochen wart
 926a,4 Daz fín schône tyoftlich vart
 926a,5 Da schaden tet ich fage ív wíe
 926a,6 Da mít ein schonív tyoft ergie
 926a,7 Die ich ie doch niht gern fach
 926a,8 Nu merchet reht wie dív gefchach
- 927a,1 Ich het in míne hant genomen
 927a,2 Ein ftarchez fper do fach ich chomen

- 927a,3 Von purftendorf hern Rupreht
 927a,4 Gegen mîr hî do was mîn reht
 927a,5 Daz ich ouch tribe gegen im dar
 927a,6 Ich ftach im durch fîn harnafch gar
 927a,7 Vn durch den hals die lanzen mîn
 927a,8 Da von fîn lip muft vallende fîn
- 928a,1 Hînd daz orffe er verre viel
 928a,2 Daz blût vz fîner wunden wiel
 928a,3 So daz daz gras wart vafte rot
 928a,4 Man want des wol daz er wær tot
 928a,5 Daz was mîr hîtzenlichen leît
 928a,6 Von leide ich abe dem velde reît
 928a,7 In die hîberge trurichlich
 928a,8 Mîn lip was vn mûtes rich.
- 929a,1 Iedoch genaf ð biderbe man
 929a,2 Des andern morgens vrû von dan
 929a,3 Wolt ich vil gern fîn geriten
 929a,4 Do hiez mich zuhteclichen biten
 929a,5 Ð wirt des lip ie ere holt
 929a,6 Von velfperc mîn hî cadolt
 929a,7 Daz ich da fehe durch hoffchen mût
 929a,8 Sîn wip vn maníc vrowen gût
- 930a,1 Ich fprach “daz fol durch in gefchehen
 930a,2 Ich wil die vrowen gerne fehen
 930a,3 Ez muz durch zuht mir wol gezemen
 930a,4 Ich wil hîvt meffe bi in vñemen”
 930a,5 Des wart ð bote von hîtzen vro
 930a,6 Alzehant er fagte do
 930a,7 Dem wirte daz ich wolde dar
 930a,8 Des freuten fîch die vrowen gar
- 931a,1 Ez wart von in maníc fchone chleît
 931a,2 Gegen mîr ze vlize fa an geleît
 931a,3 Do chleît ouch mîch fchone da
 931a,4 Vn reît inhohem mûte fa
 931a,5 Vf die burch da enpfie man mîch
 931a,6 Villechlich des dancht ouch ich
 931a,7 Mît zûhten als daz fchone zam
 931a,8 Ir grûz ich willechlich vñam
- 932a,1 Der wirt mich da vil wol enpfie
 932a,2 Sîn wip dív huf vrowe da geîn mîr gîe
 932a,3 Mit vrowen vil eîn ftiege zetal.
 932a,4 Ð chleîð vielen manîgen val
 932a,5 Abe ð ftiege her nach dem trit

- 932a,6 Ir gû̃t gebende ir feñft̃ līt
 932a,7 Vñ ouch ir mīnneclīch̃ fchín
 932a,8 Tet mīr wol in dem lītzen mīn
- 933a,1 Do ich fī fach her gegen mir gen
 933a,2 Ich wolt durch zuht niht lang̃ ften
 933a,3 Ich gie vil blide gegen in dar
 933a,4 Des fmielten aldie vrowen gar
 933a,5 Daz ich ez alfo blide an vīe
 933a,6 Vñ ouch in wibes chleiden gie
 933a,7 Vñ alfo fchōne zōpfe truch
 933a,8 Des wart gelachet da genūc
- 934a,1 Dīv huf vrowe sprach “vrowe kūnegin
 934a,2 Ir fūlt mīr willechomen fīn”
 934a,3 Des neīg ich ir mīt zūhten da
 934a,4 Die vrowen gar mich gruzten fa
 934a,5 Ir eīner ich mīn chuffen bot
 934a,6 Dīv wart da von gar rofen rot
 934a,7 Eīn andn ichz do trūc
 934a,8 Dīv wart vor fcham ouch rot genūc
- 935a,1 Dīv huffrowe nam mīch bi đ hant
 935a,2 fī wīfte mīch von danne zehant
 935a,3 In eīne kirchen wol getan
 935a,4 Ein fchōne meffe hub man do an
 935a,5 Die man da got ze eren fanc
 935a,6 bi mir von vrowen was gedranc
 935a,7 Fūr war ich iv daz fagen wil
 935a,8 Got wart gedienet da niht vil.
- 936a,1 Mīch het da nach đ mīnne ftrīc
 936a,2 Gevangen vñ manīc fuzzer blīc
 936a,3 Đ da von liechten ougen gie
 936a,4 Daz mīch dīv mīnne da niht vie
 936a,5 Daz wande niht wan dīv ftæte mīn
 936a,6 Solde ich gevangen im̃m̃ fīn
 936a,7 Daz het eīn vrowe al da getan
 936a,8 Het mich mīn ftæte fī vāhen lan
- 937a,1 Der gû̃t gebærde ir lieht̃ fchín
 937a,2 brach vafte durch dīv ougen mīn
 937a,3 Mir vntz in des herzzen grunt
 937a,4 Ir rofen varwen roten munt
 937a,5 Do ich den gegen mir lachen fach
 937a,6 Vñ er gegen mīr fo fūze sprach
 937a,7 Vñ wære mīn ftæte mir do niht chomē
 937a,8 Si hete die finne mir benomen

938a,1 Do ich fi an von h̥tzen fach
 938a,2 Div st̥æte m̥n fa zu m̥r sprach
 938a,3 “Wie nu wie nu waz fol daz f̥n
 938a,4 Wem wil du lan di vrowen din
 938a,5 An ð nach got d̥n leben st̥at
 938a,6 V̥n d̥v vil man̥ge tugende hat
 938a,7 Tu h̥n d̥n m̥t iſt gar enw̥iht
 938a,8 Ich geſtate dir f̥lher dinge niht”

939a,1 Do m̥n st̥æte m̥ch ſtraft alfo
 939a,2 Daz h̥tze m̥n wart gar vnfro
 939a,3 Daz mir ð wanc was da geſchehen
 939a,4 Ich gedaht “ich wil niht m̥ an ſehen
 939a,5 Ditze wunnechliche wip
 939a,6 Si hat fo m̥nnechlichen l̥p
 939a,7 Wolde ich fi lange ſehen an
 939a,8 des m̥ſt m̥n st̥æte ſchaden han”

940a,1 Ich warf d̥v ougen fa von ir
 940a,2 V̥n gedaht vil hertenlichen m̥r
 940a,3 “Ia h̥re wes het ich gedaht
 940a,4 het m̥ch alfo inzw̥ivel braht
 940a,5 D̥rre vrowen lieh̥t ſch̥n
 940a,6 Gegen ð vil lieben vrowen m̥n
 940a,7 So w̥ære vn̥bilde an mir geſchehen
 940a,8 Ich wil fi fo vaſt niht m̥ an ſehen

941a,1 Da f̥nt m̥n ougen ſchuld̥c an
 941a,2 Do fi mich fach fo g̥tlich an
 941a,3 V̥n ich erblichte ir roten munt
 941a,4 Div ougen m̥n fa an ð ſtunt
 941a,5 Sa liezen ir vil liechten ſch̥n
 941a,6 En m̥tten indaz h̥tze m̥n
 941a,7 Nu enruche des ſol niht m̥ geſchehen
 941a,8 Ich laz ez niht m̥ fo vrilich ſehen

942a,1 Ich fihe wol wolde volgende f̥n
 942a,2 M̥n h̥tze nach den ougen m̥n
 942a,3 Si rieten im vil lihte daz
 942a,4 Da von ich im̥m̥ muſte haz
 942a,5 In beiden an m̥n ende tragen
 942a,6 Wie ſolde ich hohen lon beiagen
 942a,7 Wolde ich den ougen volgen nach
 942a,8 S̥t in m̥t ſehen iſt fo gach”

943a,1 M̥n lip h̥c in gedanchen ſtunt
 943a,2 Gar f̥nne lof als die tunt

- 943a,3 Die andív wíp v̇denchent sich
 943a,4 Als het ouch ich v̇daht da mích
 943a,5 Daz ich niht wette wa ich was
 943a,6 bizdaz man daz ewangelie las
 943a,7 Do daz ein anđ pfaffe hub an
 943a,8 Da von alrerst ich mích v̇fan
- 944a,1 Man sach da maníc schône vrowē ften
 944a,2 Do ich ze dem opfer wolde gen
 944a,3 Die huffrowen hiez ich fūr mich g̃en
 944a,4 Si sprach “des fult ir mich erlan
 944a,5 War chōmen danne die zūhte mín
 944a,6 Gienge ich vor ein chūngin
 944a,7 Daz wære an eren mir niht gūt
 944a,8 Ir fūlt fín haben deheinen mūt”
- 945a,1 Ich gie ze dem opfer fchone fa
 945a,2 Nach mír gie vil maníc vrowe da
 945a,3 Daz ich den ganc so blide an vie
 945a,4 Des wart gelachet dort vñ hie
 945a,5 Mín nigen vñ mín vmbe fwanc
 945a,6 Dív wurden da envollen lanc
 945a,7 Ich gie nach bliđ vrowē fit
 945a,8 Chum hende breit waf da mín trit
- 946a,1 Swie feíne ich gie fwie fanfte ich trat
 946a,2 Ich chom doch wiđ an die stat
 946a,3 Da e gestanden was mín lip
 946a,4 bi mir ftunt da maníc fchone wip
 946a,5 Die waren mínneclich gevar
 946a,6 Do trūc man mir daz pæce dar
 946a,7 An einem bûche daz was gūt
 946a,8 Daz nam ich als maníc vrowe tūt
- 947a,1 Do ich daz pæce al da enpfie
 947a,2 Ich bot ez dort ich bot ez hie
 947a,3 Ich bot ez da maníc vrowen an
 947a,4 Ğ ez deheíniv wol enpfan
 947a,5 Ich bot ez đ schōnen willeclích
 947a,6 Do sprach dív reine tugende rich
 947a,7 “Ir fūlt des pæces mích erlan
 947a,8 Sít man ivch hat fūr einen man”
- 948a,1 Dív meffe do schier endet sich
 948a,2 Do sach man vrlubes gern mích
 948a,3 Ğ wirt vñ ouch dív huf vrowe fa
 948a,4 Die baten mích enpizen da
 948a,5 Ich sprach “ich wold ivch g̃n gewen

- 948a,6 Sit ichf ivch fihe mît zuhten ġn
 948a,7 Wandaz ez hat dív ftæte min
 948a,8 Vlobt da von mag ez niht fin”
- 949a,1 Ich fsprach “ich han so dife vart
 949a,2 Gevarn daz ich daz han bewart
 949a,3 Daz mir hab iemen iht gegeben
 949a,4 Wan fi đ ich wil imm̃ leben
 949a,5 Dív hat mir gegeben hohen mût
 949a,6 Si ift mir fûr vngemûte gût
 949a,7 Von ir min mût vil hohe ftat
 949a,8 Da von fi mínen dieneft hat”
- 950a,1 Do nam ich urlûp an đ ftunt
 950a,2 Mich fegent da manic fûzz̃ munt
 950a,3 Si fsprach alle “vrowe chûnegin
 950a,4 Got lazze ivch imm̃ fælic fin
 950a,5 Swar iwer lip von hinnen var
 950a,6 Daz ivch đ riche chrift bewar”
 950a,7 Sus schiet ich von den vrowen dan
 950a,8 Reht als ein hochgemut man
- 951a,1 Do reit ich in die h̃berge mín
 951a,2 Vñ fant den rit̃n ṽngl̃n
 951a,3 Đ drumzen man ze velde vant
 951a,4 Vñ đ tyoft het fper ṽfwant
 951a,5 Đ waren zweinzic daz ift war
 951a,6 Zwei vñ zweinzic fper ich gar
 951a,7 Alda ṽftach daz ift alfo
 951a,8 Mín lip was mínes gelûches vro
- 952a,1 Mín lip da chûrzlich wol enpeiz
 952a,2 Dar nach ich mîch mît willen vleiz
 952a,3 Daz ich da schone rit von dan
 952a,4 Ein nívwe capen leit ich an
 952a,5 Dar zû ein nivwez rochelín
 952a,6 Do bat ich daz gefinde mín
 952a,7 Daz fi schone riten durch die ftat
 952a,8 Si taten reht als ich fi bat
- 953a,1 Vber die thye zagt ich zehant
 953a,2 Mît freuden in đ beheím lant
 953a,3 Da ftunt ein owe wunnechlich
 953a,4 Dar ein reit ich vil mûtes rich
 953a,5 Vñ hiez da offenbære fagen
 953a,6 f̃w da wolde bris durch wip beiagen
 953a,7 Daz đ vil balde wapent sich
 953a,8 Do wapent ouch ích balde mich

954a,1 Div mínen wízzen wapen chleít
 954a,2 Het ich da schier an mich geleít
 954a,3 Vñ stapfte gezímirt fûr daz holz
 954a,4 Da mich bestunt ein ritt stoltz
 954a,5 Von schónen chirchen otte er hiez
 954a,6 Ð biðbe man des níht liez
 954a,7 Do er mich fach fus gegen im chomen
 954a,8 Ez wûrde fin orffe mít sporn genomē

955a,1 Daz treip er vafte gegen mîr her
 955a,2 Er furt ein wol gewalhen sper
 955a,3 Daz flûg er vñ den armen fin
 955a,4 Als tet ouch ich zehant daz mín
 955a,5 Von beiden spern wart da chrach
 955a,6 Die drumzen man vafte stecken fach
 955a,7 In den schilden dort vñ hie
 955a,8 Dív tyoft vil rittlich ergie

956a,1 Der ritt was zewelde chomen
 956a,2 Wol hundt als ich han vñomen
 956a,3 Gezímirt alle rittlich
 956a,4 “Weicha hre weicha weich
 956a,5 Lat hie tyoftíren durch dív wíp
 956a,6 Vil manigen biðben ritts líp”
 956a,7 Si gahten vafte h gegen mîr
 956a,8 Do het ouch ich ze tyofte gir

957a,1 Ich gert alsam ein vedfspil
 957a,2 Ð ritt chom da gegen mir vil
 957a,3 Ich het durch vrowen tyofte gir
 957a,4 Des wart da wol gebûzet mîr
 957a,5 Ir kítze het ouch ze tyofte ger
 957a,6 Si triben vafte gegen mir her
 957a,7 Vil ofte ir dri da gegen mir riten
 957a,8 Daz wær durch zuht baz vmiten

958a,1 Des tages maníc tyoft gefchach
 958a,2 Gegē mîr daz ich fi nie gefach
 958a,3 Daz ir dri ofte gegen mir riten
 958a,4 Daz chom da von die biðben striten
 958a,5 Vil vafte vmb die tyoft gein mîr
 958a,6 Ez wart des tages vil maníc banír
 958a,7 Vf mîr enzwei geftochen fo
 958a,8 Daz da ir drumzen flugen ho

959a,1 Do ich da funfzehen sper vftach
 959a,2 Do cham ð vogt von lengenbach

- 959a,3 D̃ tum vogt so was er genant
 959a,4 Von fīnen tugenden wite erchant
 959a,5 Er chom vil schone gegen mīr l̃h
 959a,6 Vnfer ietwederre da fīn s̃per
 959a,7 Ṽftach vil rittlichen wol
 959a,8 D̃ tumvogt d̃ was tugende vol
- 960a,1 Daz wart in manigen landen schin
 960a,2 Do er ṽftach da daz s̃per fīn
 960a,3 Den helm er zehant abe bant
 960a,4 Er reit da er mīch haldent vant
 960a,5 Ich hielt mīt uf geworfem s̃per
 960a,6 Er sprach "ich statte iv ditz niht m̃
 960a,7 Niemen so starchen lip getrūc
 960a,8 Er het geflochen nu genūc"
- 961a,1 Er zūmt mīch bi dem zūme dan
 961a,2 Den bat ich mir vil ofte lan
 961a,3 "Ich enlazzez iv niht" so sprach er
 961a,4 Er brach mir uz d̃ hant daz s̃per
 961a,5 Er sprach "vil edeliv chūnegin
 961a,6 Ir fūlt iwer tyostiren lazen fīn
 961a,7 Durch iwer vrowen ich ivch bīt"
 961a,8 Do liez ich ez mīt fenftem fīt
- 962a,1 Den schilt gab ich do von d̃ hant
 962a,2 Den helm ich von dem hubet bant
 962a,3 Den stōchen von dem rōchelin
 962a,4 Warf ich da vber daz hubet mīn
 962a,5 Dar durch ich doch vil wol gefach
 962a,6 Swa vf dem velde da tyost geschach
 962a,7 Da wart manic schōne tyost geriten
 962a,8 Mit chunft nach rittlichen fiten
- 963a,1 Man hort da allenthalben chrach
 963a,2 Von grozen s̃pern daz geschach
 963a,3 Da rūft vil manig̃ "h̃a her"
 963a,4 Da vordert ouch vil manig̃ s̃per
 963a,5 Die helm man da vafte bant
 963a,6 Da nam manic ritt̃ schilt zehant
 963a,7 Sus wurden si vmbe w̃dicheit
 963a,8 Mīt rittlich̃ arbeit
- 964a,1 Fur war ich iv daz fagen wil
 964a,2 Sper schilt helm gelac da vil
 964a,3 Vf dem velde hie ṽn dort
 964a,4 Wart loch durch helm mīt tyost gebort
 964a,5 Von d̃ edelen ritt̃ hant

- 964a,6 Eteflichen tyoftirer man vant
 964a,7 Gevallen vf daz grüne gras
 964a,8 Ð des vil vngewon e was

 965a,1 Ich wene wol den wære daz leít
 965a,2 Wan fwa ð man vmbe wdicheít
 965a,3 Wirbet vñ im míffegat
 965a,4 Des hochgemût ein ende hat
 965a,5 Swem wol gelínget ð ift vro
 965a,6 Vmb rittſchaft ſtat ez alfo
 965a,7 Hívt liep morgen leít
 965a,8 Dív beidív ſint ín bereít

 966a,1 Do man da vil vor mir geſtach
 966a,2 Ð tumvogt fa do zu mír ſprach
 966a,3 “Vrowe vil edelív kûnegín
 966a,4 Ir fûlt niht lang bi vñf ſín
 966a,5 Sít iwer vart ift wol vol braht
 966a,6 So vart reht als ir habt gedaht
 966a,7 Lat íwer gefinde mít mír varn
 966a,8 Daz wil ich ív vil wol bewarn”

 967a,1 Ich fûr als mir ð biðbe riet
 967a,2 Ich ſage ív wie ich danne ſchiet
 967a,3 Ich gab da nívnzehen vínqlín hín
 967a,4 Dar nach zogt ð lip mín
 967a,5 In daz holz da entwapent ich
 967a,6 Defwar vil ſnellichen mich
 967a,7 Von minem gefinde ich urlup nam
 967a,8 Vil minnechlich alf mir daz zā

 968a,1 Vorholn reit ich fa von dan
 968a,2 Mít mír reit níemen wan ein mā
 968a,3 Ð was des tumvogtes chneht
 968a,4 Er was mír holt mít trivwē fleht
 968a,5 Er hiez von vronhoven chol
 968a,6 Er chunde die ſtrazze gar alle wol
 968a,7 Gegen wíenen durch daz lant
 968a,8 Die waren ím alle wol bekant

 969a,1 Vil balde ich hín ze wíenen quam
 969a,2 Ein hberge ich vholn nam
 969a,3 Dar inne was ich dri tage
 969a,4 Nu mercket reht waz ich ív fage
 969a,5 In ð zít wart mír bereít
 969a,6 Funfzic rittn wapenchleít
 969a,7 Gefniten defwar meifflich
 969a,8 Si waren hoher choſte rich

- 970a,1 Do ich mîch hie bereitent lac
 970a,2 Nu horet wes mîn gefinde pflac
 970a,3 Do ich dort chom von in geriten
 970a,4 Mîn chamerere mit hoffchen fîten
 970a,5 Nam alzehant dîv drîv pferde mîn
 970a,6 Cappen vñ dîv rochelîn.
 970a,7 Vf dîv pferde er ez fâ leit
 970a,8 Vñ fwaz dar zu hort vrowē chleît
- 971a,1 Vz đ owe erz fûrt zehant
 971a,2 Hîn da er manîgen ritt vant
 971a,3 Die riten schone gegen im dar
 971a,4 Vñ namen mîn da alle war
 971a,5 Do mîch da ir deheîn vant
 971a,6 Vñ daz si fahen mîn gewant
 971a,7 Da ligen uf den pferden mîn
 971a,8 Si sprachen “war ist dîv kûnegîn
- 972a,1 Vvar ist si chomen ia hîre war”
 972a,2 Die ritt chomen alle dar
 972a,3 Da sprach đ chamerere mîn
 972a,4 “Ez hat mîn vrowe dîv chûnegîn
 972a,5 Desfwar vil ṽ bel an mîr getan
 972a,6 Si hat mîch also hie ṽlan
 972a,7 Daz ich niht weiz war si ist chomen
 972a,8 Des ist mir vreuden vil benomen
- 973a,1 Difiv pferd vñ difiv chleît
 973a,2 Hat si hie lan daz ist mîr leit
 973a,3 Ichn weiz waz ich hie mît tû
 973a,4 Da fult ir alle raten zu
 973a,5 Fûr ichz von hîne daz ist mîffetan
 973a,6 Sol aß ich ez hie ṽlan
 973a,7 So ratet wem ođ wie
 973a,8 Des volge ich iv gar allez hie”
- 974a,1 Do sprach đ tumvogt hoch gemût
 974a,2 “Chnappe chluc mîch dunket gû
 974a,3 Daz ir ez hie den warnden gebet
 974a,4 Vñ schone in hohem mûte lebet
 974a,5 Iwer vrowe wol anđ gû beiagt
 974a,6 Ist si so rich als man vnf sagt
 974a,7 Vñ als man an ir chofte fîht
 974a,8 So schadet ir dîv gabe niht”
- 1522a,1 Von mîffowe đ biðbe man
 1522a,2 fûrt al fōlich zîmîrde an

1522a,3 Daz sin dem keiser wær genuch
 1522a,4 Vf finem helme ð biðbe truch
 1522a,5 Einen chrantz von ganf veðn groz vñ weíz.
 1522a,6 Sin helme geworht wol mít flíz
 1522a,7 Sin schilt was gar von golde rot
 1522a,8 Als im sin hoher mût gebot

1523a,1 Dar vf ein einhürne zobe var
 1523a,2 Sin wapen roch sin deche gar
 1523a,3 Waren vil gût paltekín
 1523a,4 Dar vf sach man gestreut ouch sin
 1523a,5 Einhürne vil nach zobel var
 1523a,6 Sin banír was gevar fûr war
 1523a,7 Rehte dem schilde gelich getan
 1523a,8 Sus chom dort h̄ ð biðbe man

1524a,1 Do chom gegen im da h̄ Gawan
 1524a,2 Von liechten stein ð fûrt ouch an
 1524a,3 Gezímír daz gab liechten schín
 1524a,4 Ð fûrt uf dem helme sin
 1524a,5 Ein wæl von golde ge ortert wol
 1524a,6 Illich ort pfanfveðn vol
 1524a,7 bewunden was in chofte wis
 1524a,8 Ð werde het vil hohen pris

1525a,1 Der biðbe was ð pruð mín
 1525a,2 Des fûrt er fûr war den schilt sin
 1525a,3 Dem mínen reht gelich gevar
 1525a,4 Ð schilt was wíz zwo swarze bar
 1525a,5 Schipfes nach dem fwert zetal
 1525a,6 Dar vf ein puchel von golde wal
 1525a,7 Was gemachet meißlich.
 1525a,8 Sus furt den schil ð mütes rich

1526a,1 Sin wapen roch sin deche was
 1526a,2 Von fameit grûn alfam ein gras
 1526a,3 Dar vf ð schilde vil gestreut
 1526a,4 Ð hochgemût sich vafte freut
 1526a,5 Eins starchen spers daz er fûrt
 1526a,6 Daz orffe mít sporn er vafte rûrt
 1526a,7 Sin puneíz wart envollen lanch
 1526a,8 Nach vrowen lone ð biðbe ranch

1527a,1 Do chom ouch rittlichen her
 1527a,2 h̄ otte von mißlowe beidiv sper
 1527a,3 Wurden da enzweí geriten
 1527a,4 Mit chunft nach rittlichen fiten
 1527a,5 An beiden helfen daz geschach

- 1527a,6 Die drumzen man uf vliegen fach
 1527a,7 Dív tyoft müßt da dunchen gút
 1527a,8 Vil manígen ritt hoch gemút
- 1528a,1 Dar nach chom ín den rinch gerant
 1528a,2 Gezimirt schone fa zehant
 1528a,3 Ahtzehen ritt rittlich
 1528a,4 “Wicha hre wicha weich
 1528a,5 Weichet lat tyoftírens pflegen”
 1528a,6 Da het ouch sich ð tyoft bewegen
 1528a,7 In hohem müte an ð ftet
 1528a,8 Von spiegelbch h lanzilet
- 1529a,1 Von landefere h ywan
 1529a,2 H lanzilet vn h Gawan
 1529a,3 Die taten ez des abendes fo
 1529a,4 Da von ir lop mußt ftigen ho
 1529a,5 Si werten den rinch daz ift war
 1529a,6 Den abent al den ritten gar
 1529a,7 Da wart maníc schône tyoft geriten
 1529a,8 Sus vn fo nach ritts fiten
- 1530a,1 Daz triben fi bizdaz dív naht
 1530a,2 Den tac vtreip da mít ir maht
 1530a,3 Da mußt wir rōmen da daz velt
 1530a,4 Wír furen fa ín dív gezelt
 1530a,5 Di andern furen ín die stat
 1530a,6 Vz hohem müte ich fi do bat
 1530a,7 Daz fi des morgens chomen frū
 1530a,8 Daz lobten fi mít willen do
- 1531a,1 Her chadolt wífe ð sprach do
 1531a,2 Vil gar vholn zu mir fo
 1531a,3 “Chuníc artus ir fult mích weren
 1531a,4 Des ich durch dienst wil an ívch ġn
 1531a,5 Daz ir mít mír iwer erstes sper
 1531a,6 morgen hie vftchet daz ift mín ger
 1531a,7 Ir fult mich des geníezen lan
 1531a,8 Daz ív mín díenst ift vnđtan”
- 1532a,1 Ich sprach “h wífe ir fit fo wert
 1532a,2 Swez ir mít bet hie an mích gert
 1532a,3 Des folde ich ivch vil gerne biten
 1532a,4 Ir habt fo vil durch ere erliten
 1532a,5 Daz ich íuch morgen mít den spern
 1532a,6 Des ersten wil beftan vil ġn.
 1532a,7 Nu chomt ot fru daz ift mín bet”
 1532a,8 Sus schiet er von mir an ð ftet

1533a,1 Dív naht gemachlich ende nam
 1533a,2 Sa do ð anð tach bequam
 1533a,3 Ein fchône meffe man do fanch
 1533a,4 Ze eren gote. dar nach vnlanch
 1533a,5 Sach man den weifen zogen her
 1533a,6 Man furt im mít maních ftarches fper
 1533a,7 Gezímirt was ð biðbe man
 1533a,8 Als ich ív wol gefagen chan

1534a,1 Sín helm was licht alfam ein glas
 1534a,2 Dar vmb von drizehen veðn was
 1534a,3 Geflozen ein vil witer chrantz.
 1534a,4 Mít filb pletern glantz
 1534a,5 Was gemachet dar an vil
 1534a,6 Gebunden was an iflich chil
 1534a,7 Von pfanfveðn ein chofte groz
 1534a,8 Sus furt den helm ð fchanden bloz

1535a,1 Sín fchilt was fwartz nach zobel var
 1535a,2 Dar vf ein Leo von filb gar
 1535a,3 Was geflagen meifflich
 1535a,4 Des chone was von golde rich
 1535a,5 Dív lac gar edeler fteine vol
 1535a,6 Ein famít was fwartz alfam ein chol
 1535a,7 Was fin wapen roch für war
 1535a,8 Gehúwen meifflichen gar

1536a,1 Lēwen von filb was druf vil
 1536a,2 Geftreut für war ich ív daz wil
 1536a,3 fagen dív deche was fam gevar
 1536a,4 Vñ ouch vil wol gehöwen gar
 1536a,5 Ð biðbe furt ein ftarchez fper
 1536a,6 Dar an ein banír geín mir her
 1536a,7 Dív was alfam feín fchilt getan
 1536a,8 Sus chom geín mír ð biðbe man

1537a,1 Ich fage iv daz da mít im reít
 1537a,2 Der eren bot dív fchône meít
 1537a,3 Si het im ín die hant gegeben
 1537a,4 Die banír gút er dient fin leben
 1537a,5 Den frowen vmbe ir habedanch
 1537a,6 Wart im niht fīzer vmbevanch
 1537a,7 Daz was von vrowen miffetan
 1537a,8 Wan er nie valsch geín ín gewan

1538a,1 Ir fult für war geluben daz
 1538a,2 Wol. fibenzich ritt oð baz

1538a,3 riten gezímir̃t mît ím her
 1538a,4 Den fûrt man mît maních starches s̃per
 1538a,5 Do was ouch ich ín den rinch bechõm̃
 1538a,6 Ein starchef s̃per ich het genõm̃.
 1538a,7 Ich was alda gezímir̃t fo
 1538a,8 Daz man mín was ze fēhen vro

1539a,1 Nv het ouch sich vafte fûr genõm̃
 1539a,2 h̃ chadolt wífe man fach vnf chõm̃
 1539a,3 Mît ð tyoft ze famen fo
 1539a,4 Daz da die drumzen flugen ho
 1539a,5 Ich stach ím von dem halfe fín
 1539a,6 Daz chollir. Daz ð helm mín.
 1539a,7 Von finer tyoft vil lûte erchlāch
 1539a,8 Ð tyoft mußt man mír wizzen danch

1540a,1 Dív tyoft fo nahen wart geriten
 1540a,2 Daz niemen wande daz ṽmíten
 1540a,3 Wær da dív hurt ð schilde stoz
 1540a,4 Wart von vns beiden da fo groz
 1540a,5 Daz ez vber al daz velt erhal
 1540a,6 Dív tyoft was da geriten wol
 1540a,7 Man hort fûr war di biðben iehen
 1540a,8 Daz schõn tyoft nie wart gefehen

1541a,1 Do nam ich fā eín anð s̃per
 1541a,2 Do reit gegen mír vil balde her
 1541a,3 Ð eren bot dív schone maget
 1541a,4 Si sprach zu mír “ív si gefaget
 1541a,5 Ð weífe mac niht gestechen me
 1541a,6 Im tût dív zefwív hant vil we
 1541a,7 Sín dûme íft ím vz dem lide fín
 1541a,8 Daz habt fûr war chûnich h̃re mín”

1542a,1 Ich sprach “nv wizzet schonív meit
 1542a,2 Ez íft mir h̃tzenlichen leít”
 1542a,3 Da mît reit ich fûrbaz
 1542a,4 Vast inden rinch gelubet daz
 1542a,5 Da mích bestunt maníc biðbe man
 1542a,6 Von den wart ez da wol getan
 1542a,7 Vil drumzen man uf vliegen fach
 1542a,8 Mît tyoft man starchív s̃per zeb^ach

1543a,1 Ob ichf ív nant gar fundlich
 1543a,2 Di mît mir da vil ritlich
 1543a,3 stachen ð deucht ívch ze vil
 1543a,4 Da vol ich ez ṽfwigen wil
 1543a,5 Ich tet ot fwaz ich mohte da

- 1543a,6 Do riten zu mir balde fa
 1543a,7 h̄ parcifal. vñ h̄ Gawan
 1543a,8 h̄ yban vñ ouch h̄ triftram
- 1544a,1 Iflich sprach do "h̄re m̄n
 1544a,2 Wie nu wie waz sol daz f̄n
 1544a,3 Sol niemen ftechen hie wan ir
 1544a,4 So fagt vns reht war vmbe wir
 1544a,5 S̄n m̄t iv bechomen her
 1544a,6 Welt ir v̄ftechen gar d̄v fper
 1544a,7 Al ēne daz ift miffetan
 1544a,8 Ir fult vnf ouch ftechen lan"
- 1545a,1 Si brachen m̄r do fa zehant
 1545a,2 Den schilt in zorn von d̄ hant
 1545a,3 Vñ bunden mir den helm abe
 1545a,4 M̄t zornechlich v̄gehabe
 1545a,5 Vñ sprachen "ch̄n̄ich iv f̄i geseit
 1545a,6 Ez f̄i iv liep ođ ez f̄i iv leit
 1545a,7 Ia v̄ftechet ir talanch mer
 1545a,8 M̄t iwer hant f̄ur war chein fper"
- 1546a,1 Ich sprach "ich wil ez gern lan
 1546a,2 So bindet helm vf h̄ triftram
 1546a,3 h̄ parcifal vñ h̄ Rut̄h
 1546a,4 Ich weiz wol ir bestunt ēn h̄
 1546a,5 Doch nemt zu iv h̄n lanzilet
 1546a,6 Vñ h̄n ereck daz ift m̄n bet
 1546a,7 Daz segramurs ouch m̄t iv var
 1546a,8 Ich wil daz ivch fehse got bewar"
- 1547a,1 Des vrlubes warens hoch gemut
 1547a,2 Wan ir mut was uf ere gut
 1547a,3 Di helm bunden f̄i vf zehant
 1547a,4 Hei waz man sch̄oner tyofte vant
 1547a,5 Man hort da niht wan chracha chrach
 1547a,6 Manich rittlich tyoft gefchach
 1547a,7 Vf dem velde dort vñ hie
 1547a,8 Hurta hurta wie ez da gie
- 1548a,1 Von tulbinge m̄n h̄ erech
 1548a,2 Was f̄ur war da def tages quech
 1548a,3 Er tet ez m̄t dem libe also
 1548a,4 Da von f̄in lop mußt ftigen ho
 1548a,5 Er v̄ftach f̄unfzehen fper
 1548a,6 Des tages da vñ f̄ur war mer
 1548a,7 Des tages da d̄ eren ḡnde man.
 1548a,8 Von reht d̄ biðben lop gewan

- 1549a,1 Her fegramurs von arnsteín
 1549a,2 Vftach da sper vil gar vnhleíne
 1549a,3 Si waren vollechlichen groz
 1549a,4 Des er an manig tyoft genoz
 1549a,5 Wan man da von im gern reít
 1549a,6 Vil willechlich man ín meít
 1549a,7 Für war ich iv daz fagen wil
 1549a,8 Daz er doch fwante waldes vil
- 1550a,1 Her lanzilet von spiegelbch
 1550a,2 D tet da vil rittlichív werch
 1550a,3 Er was ein ritt hoch gemut
 1550a,4 Des wart maníc tyoft da von im gut
 1550a,5 Er was d vrowen dieneftman
 1550a,6 Des het erz ofte wol getan
 1550a,7 Des tages vnmuzich man ín fach
 1550a,8 Sin hant vil ftarch sper vftach
- 1551a,1 Von lebenbch mín h trístram
 1551a,2 Des tages mít arbeit lop gewan
 1551a,3 Ir fult für war gelauben daz
 1551a,4 Ez tet des tages da niemen baz
 1551a,5 Er schovht weđ ienen noch difen
 1551a,6 Vn wærn ez alle gewefen rífen
 1551a,7 Er hetf alleíne wol beftan
 1551a,8 Dem tet geliche d biðbe man
- 1552a,1 Von lindeníz d vil wde Eytł
 1552a,2 het ein hant dív hiez sper v zer
 1552a,3 Des tages d sper fi vil vzt
 1552a,4 Wan er den rinch mít tyofte wert
 1552a,5 Ein ritt d hiez h rimbot
 1552a,6 Von metters d mußt liden spot
 1552a,7 In ftach da nið h eytl
 1552a,8 Mít ein tyoft gar fund wer
- 1553a,1 Von luentz mín h parcifal
 1553a,2 Da fwande sper vil ane zal
 1553a,3 Den biðben was nach eren we
 1553a,4 Er ein vftach da sper noch me
 1553a,5 Danne ie dehein ritt da vftach
 1553a,6 Des mußt er liden vngemach
 1553a,7 Sin vngemach im ere holt
 1553a,8 Im waren di biðben alle holt
- 1554a,1 Ez ftach d biðbe erenrich
 1554a,2 Einen ritt da nið d hiez ditrich

- 1554a,3 Von fñída fō was er genant
 1554a,4 Den ftach da nið fīn zefwenív hant
 1554a,5 Daz er gar fīnnelos gelach
 1554a,6 biz an den aben al den tach
 1554a,7 Daz was doch fīnen vrvnden leít
 1554a,8 Von den wart ez vil fchiere v̇chleít
- 1555a,1 Die fehfe dí ích hie han genant
 1555a,2 Di wurden ofte da an gerant
 1555a,3 Da was vil maníc biðbe man.
 1555a,4 Des wurden ofte fi beftan
 1555a,5 Des v̇ten fīch di biðben fō
 1555a,6 Daz da ir lop muft ftigen ho
 1555a,7 [D]a wart maních fchōne tyoft geriten
 1555a,8 Vñ vil maních harnafch rinch v̇fniten
- 1556a,1 Dív rittfchaft wert al den tach
 1556a,2 Maních helm vñ collir da gelach
 1556a,3 Vf ð erde hrenlos
 1556a,4 Den fchilt vil manīg da v̇los
 1556a,5 Daz man ím ín ftach v̇re von ð hant
 1556a,6 zebroften nið vf daz lant
 1556a,7 Da lach vil fchiben vñ fper
 1556a,8 Da vf dem velde hín vñ h̃
- 1557a,1 Ir fült fūr war glauben daz
 1557a,2 Wol fibenzic ritt oð baz
 1557a,3 Stachen mīt den fehfen da
 1557a,4 Ich han fit felten andfwa
 1557a,5 Fūr war ich ív daz fagen wil
 1557a,6 Seh f ritt ftarcher fper fō vil
 1557a,7 v̇ftochen als von ín gefchach
 1557a,8 Ir hantwol hundt fper v̇ftach
- 1558a,1 Do fach ich daz gedranch an gie
 1558a,2 Die fehffe mīt tyoft dort vñ hie
 1558a,3 Des moht ich lang niht v̇tragen
 1558a,4 Do hiez ich fnellichen fagen
 1558a,5 Von liechtenfteín h̃m Gawan
 1558a,6 Von landefere h̃m ywan
 1558a,7 Daz fīdar chōmen vf den rinch
 1558a,8 Daz gebot was ín ein liebe dínch
- 1559a,1 Si enblienden ez ir handen da
 1559a,2 Des fwar vil rittlichen fa
 1559a,3 Ir beið mūt nach eren ranch
 1559a,4 Man hort von ín da helm chlanch
 1559a,5 Vñ manígen fchōnen fchildes ftoz

1559a,6 Ð spere chrachen wart da groz
 1559a,7 Von tyoft die schilde sich chluben
 1559a,8 Daz spreizel ofte hohe vlügen

1560a,1 Daz spere chrachen was da groz
 1560a,2 holer floyten fumbʒ doz
 1560a,3 Pufūnen vñ schalmyen schal
 1560a,4 Moht niemen da gehoren wal
 1560a,5 Ð tyoft man da gar wal vant
 1560a,6 Swelch rittʒ da den helm abe bant
 1560a,7 Des beitet man niht mit tyofte da
 1560a,8 Als man tūt oft doch andʒwa

1561a,1 Da randen zwen ofte einen an
 1561a,2 Ð dem di tyoft dort an gewan
 1561a,3 Ze driviers ʒ fin sper ʒ ftach
 1561a,4 So was dem vf dy tioft so gach
 1561a,5 Daz er zer twinfʒ da fin sper
 1561a,6 ʒftach dem was al zeger
 1561a,7 Do chom man dort den angerant
 1561a,8 E ie chōm sper da in fin hant

1562a,1 Mit difen freuden ende nam
 1562a,2 Ð tach dív vinfʒ naht bequam
 1562a,3 Di manigʒ niht vnʒn sach
 1562a,4 Do furen si an ir gemach
 1562a,5 Die da von müde liten not
 1562a,6 Von tyoft da arm waren rot
 1562a,7 Gefwollen fwarz vñ darzu bla
 1562a,8 Dem war daz dort dem war daz da

1563a,1 Des andʒn morgens harte frū
 1563a,2 Di biðben zogten aʒ zū
 1563a,3 Gezímirt des fwar wunnechlich
 1563a,4 Ir was vil manigʒ mutes rich
 1563a,5 Daz wart vollechlichen schín
 1563a,6 Vil manigʒ dient ʒ vro wen fin
 1563a,7 Daz er den puneíz alfo reít
 1563a,8 Daz ez dem andʒn wart vil leít

1564a,1 Ez wart des tages aʒ gūt getan
 1564a,2 Von manigem mínneʒnden man
 1564a,3 Vf dem velde hie vñ dort
 1564a,4 Wart loch mít sper durch schilt gebort
 1564a,5 Di von ʒ tavelrunde sich
 1564a,6 Wol werten da des freut ich mích
 1564a,7 Ez was ouch mūzich niht mín hant
 1564a,8 Von mír wart ouch da sper ʒfwant

- 1565a,1 An difem buch ist niht fo. vil
 1565a,2 So von tyostiren da von wil
 1565a,3 Ichz iv chûrzen fwa ich mach
 1565a,4 Ditz wert vnz an den fünften tach
 1565a,5 Daz wir des morgens frû
 1565a,6 Griffen mit tyostiren zu
 1565a,7 Vn triben daz vnz an den abent gar
 1565a,8 bi miñ hofcheit daz ist war
- 1566a,1 Nu merchet reht waz ich iv sage
 1566a,2 Des abentes an dem fünften tage
 1566a,3 Chom ein bote zu mir geriten
 1566a,4 Ð grüfte mich mit hoffchen siten
 1566a,5 Vn sprach "chûnich artus môht ez sin
 1566a,6 Ich solt ivch von dem hren min
 1566a,7 Gefprechen für war gar heimlich"
 1566a,8 So sprach ð bote zûhte rich
- 1567a,1 Ich sprach "des bin ich iv bereit"
 1567a,2 Mit im ich von den lûten reit
 1567a,3 Do sprach er "werder chûnich rich
 1567a,4 Iv hat ð furste friderich
 1567a,5 bi mir enboten also her
 1567a,6 Daz er vil schone wil driv sper
 1567a,7 Gein iv v ftechen hie enzwei
 1567a,8 Daz sol geschehen vor dem turney
- 1568a,1 Er giht ez si hie also vil
 1568a,2 Getyostiret daz er ivch. des wil
 1568a,3 biten daz irz durch in lat
 1568a,4 Wan er vil groze vnmûze hat
 1568a,5 Ir fult den turney teilen lan
 1568a,6 Da mit daz tyostiren vnd stan
 1568a,7 Des bitet ivch ð hre min
 1568a,8 Imm durch den dienest sin"
- 1569a,1 Ich sprach "ich tûn reht fwaz er wil
 1569a,2 Ez si lûtzet oð vil
 1569a,3 Des bin ich allez im bereit
 1569a,4 Durch sin vil hohe wdicet
 1569a,5 Du solt sin alle di rit biten
 1569a,6 Von im mit zuhtechlichen siten
 1569a,7 Daz si die zuht gein im began
 1569a,8 Daz si daz tyostiren durch in lan"
- 1570a,1 Der bot reit do alzehant
 1570a,2 Wið in den rinch da er vant

- 1570a,3 Ð ritt halden harte vil
 1570a,4 Er sprach zu in "vil ġn ich wil
 1570a,5 Iv allen hie sagende fin
 1570a,6 Ein bottschaft von dem ħren min
 1570a,7 Dem werden fürsten friderich
 1570a,8 Er heizet ivch gruzen minnechlich

 1571a,1 Ivch bitet ð werde ħre min
 1571a,2 Daz ir daz tyoftiren lat fin
 1571a,3 Daz ir turniret daz ift fin rat
 1571a,4 Wan er vil groze vn muze hat
 1571a,5 Er muz von hinnen daz ift war
 1571a,6 So vðurbe ð turney gar
 1571a,7 Daz wære im leit folt daz geschehen
 1571a,8 Wan er in gern wolde sehen"

 1572a,1 Do sprach ð schenche von habechspach
 1572a,2 "Iwerm ħren ift ze dem turney gach
 1572a,3 Wil aß selbe er wapen hie tragen
 1572a,4 Vil wder bot daz fult ir sagen
 1572a,5 So teyle wir den turney
 1572a,6 Vf in vn uf den chunich enzwei
 1572a,7 Vn choment si beide in eine schar
 1572a,8 So heten die andn vlorn gar"

 1573a,1 Der bot sprach "des en weiz ich niht
 1573a,2 Ich weiz für war daz er siht
 1573a,3 Den turney des hort ich in gehen
 1573a,4 Er wolde in endeliche sehen
 1573a,5 Ift daz ich iv dran dienen sol
 1573a,6 So ervar ich iv daz wol
 1573a,7 Ob er welle hie wapen tragen
 1573a,8 Vn iv daz hint wil ich ħ wið sagen"

 1574a,1 Die ritt sprachen alle do
 1574a,2 "wir fuln ze kirchen chomen frū
 1574a,3 Vn teylen da den turnei
 1574a,4 Geschiht daz frū daz ift vnf gūt
 1574a,5 Hie ift manic ritt hoch gemūt
 1574a,6 Daz den des ze rinne niht
 1574a,7 Als offte an maniġ stat geschiht"

 1575a,1 Mit freuden schiede wir vnf da
 1575a,2 Mannechlich reit schone fa
 1575a,3 Da er die naht vant gūt gemach
 1575a,4 Sa do ð and tach vf brach
 1575a,5 Do reit zu mir vil fnellechlich
 1575a,6 Des fürsten bot vz österrich

1575a,7 Ð gruzt mich von dem hren fin
 1575a,8 Des dancht mit zûhten im ð mût *min*

1576a,1 Er sprach “iv hat ð heree mín
 1576a,2 Enboten ot aß den dieneft fin
 1576a,3 Vñ hiez iv daz vholn fagen
 1576a,4 Er wolde hie felbe wapen tragen
 1576a,5 Vñ wolde mít iv hie endelich
 1576a,6 Driv sper vltchen rittlich
 1576a,7 Er wil durch dív vil reinen wip
 1576a,8 vrbaren hie rittlich den lip

1577a,1 Ez wil ð wde hre mín
 1577a,2 hie vnð ð bruzel banir fin
 1577a,3 Mít den wil er ivch beftan
 1577a,4 Ir müzet vil gût helfe han
 1577a,5 Oð er tut ivch al vmbe hie
 1577a,6 Ich gefach in hochgemut nie
 1577a,7 Er ift gemeit vñ dar zv vro
 1577a,8 Sín mût ð ftat von vrowen ho”

1578a,1 Ich sprach “ich mac vor im genesen
 1578a,2 Vñ wil mir got genedic wesen
 1578a,3 Edaz er vmbe tu mich hie
 1578a,4 Not müzen liden ritts knie
 1578a,5 Von manig hurtechlich vart
 1578a,6 Er vindet an vns gegenhart
 1578a,7 Swie hohes mutes fin lip vert
 1578a,8 Im wirt daz velt alhie gewert”

1579a,1 Div rede gefchach des morgenf frû
 1579a,2 Ze chirchen für wir alle do
 1579a,3 Do fich dív meße vñdet da
 1579a,4 Do für wir alle fchone fa
 1579a,5 In einen garten wunnechlich
 1579a,6 Dar chom manich ritt mütes rich
 1579a,7 Den turney teilet man al ze hant
 1579a,8 Wie daz tûn ich iv wol bekant

1580a,1 Ich was felbe zehent chomen dar
 1580a,2 Do het gemeret fich mín fchar
 1580a,3 Von den die tavel runde ftat
 1580a,4 Wurben da mít rittf tat
 1580a,5 Ð waren zehen vñ dar zu dri
 1580a,6 Ð hitze was vor fchanden vri
 1580a,7 Si waren rittlich gemût
 1580a,8 Vor rittf wandel wol behût

1581a,1 Zv mīn̄ fchar man teylen fāch
 1581a,2 Den fchenchen fa von habecheſbach
 1581a,3 D̄ ie mīt arbeit ere holt
 1581a,4 Zv mīr geviel ouch h̄ chadolt
 1581a,5 D̄ biðbe wīfe was er genant
 1581a,6 Von zuht von tugenden weít erchant
 1581a,7 Er was vor wandel gar behût
 1581a,8 Ich gefāch nie rit̄ baz gemût

1582a,1 Zv mīr geviel ouch h̄ heínrich
 1582a,2 Von liechtenſteín d̄ mûtes rich
 1582a,3 Von haſelowe d̄ biðbe man
 1582a,4 Geviel ouch zu mīr d̄ nie gewan
 1582a,5 Deheínen mût d̄ ere entrant
 1582a,6 H̄ otte ſo was er genant
 1582a,7 Sín lip was wandels vri
 1582a,8 Im was vil hohív tugende bi

1583a,1 Gegen mīr ze were geſchaffet wart
 1583a,2 Her heínrich vñ h̄ wernhart
 1583a,3 Die lebten bede vil rit̄lich
 1583a,4 Def furſten gefinde vz ôſtrich
 1583a,5 Vil mīt finer fchar zu ín
 1583a,6 Ez was ir mût vñ ouch ir ſín
 1583a,7 Daz ſi des tages gewonnen gût
 1583a,8 Vñ eren vil fuſ ſtûnt ir mût

1584a,1 Von miſſowe mín h̄ otte fa
 1584a,2 Geviel ín ouch ze helfe da
 1584a,3 Von vronehoven mín h̄ chol
 1584a,4 Geviel zu ín d̄ tet ez wol
 1584a,5 Offte daz rede ich ane ſpot
 1584a,6 Von valchenb̄ch mín h̄ Rapot
 1584a,7 Geviel zu ín d̄ zorníc man
 1584a,8 D̄ offte vlûche vil gewan

1585a,1 Der turney was geteilet nû
 1585a,2 Des waren die hoch gemuten vro
 1585a,3 Wír zogten vf daz velt zehant
 1585a,4 Die helm man ſnellich vf bant
 1585a,5 Vñ ſcharten vns dort vñ hie
 1585a,6 Nu horet mich ich fage ív wíe
 1585a,7 Vier fchar da wurden vñ niht me
 1585a,8 Den biðben was nach eren we

1586a,1 Des fúrſten gefinde vz ôſtrich
 1586a,2 Die ſcharten ſich da rit̄lich
 1586a,3 Zu den ſich ſcharn da began

1586a,4 Von mißlowe ð vil biðbe man
 1586a,5 Dív fchar div den turney folde heben
 1586a,6 Si ftapften bi einanð eben
 1586a,7 Vñ habten sich ze fāmne wol
 1586a,8 Als man ze rehte gegen vīenden fol

1587a,1 Da reit ein fchar vil fchone nach
 1587a,2 Gefchart vil eben ir was niht gach
 1587a,3 In ð fchar reit mín h̄ chol
 1587a,4 Von vronhoven gezimirt wol
 1587a,5 Die pruzel in ð fchar ouch riten
 1587a,6 Gezimirt wol nach ritts siten
 1587a,7 H̄ rapot in ð fchar ouch reit
 1587a,8 Von valchenperch ð vngemeit

1588a,1 Zv mín fchar sich fchone fchart
 1588a,2 Ein ritt ð sich het bewart
 1588a,3 Vor allem dem daz mißestat
 1588a,4 Sín lip begie manich ritts tat
 1588a,5 Mit sín ellenthaften hant
 1588a,6 H̄ chadolt wīfe was er genant
 1588a,7 Er was ð vrowen dieneft man
 1588a,8 Da von er hohen lop gewan

1589a,1 Nach mín fchar man ftapfen fach
 1589a,2 Gefchart wol die von habečspach
 1589a,3 bi den gefchart reit rittlich
 1589a,4 Von liechtenstein mín h̄ heinrich.
 1589a,5 Von hafelowe ð biðbe man
 1589a,6 H̄ otte reit da ð nie gewan
 1589a,7 Deheinen vn rittlichen mūt
 1589a,8 Er was vor fchanden gar behūt

1590a,1 Mit difen fcharn wir fchone hie
 1590a,2 ze fāmne ftapften nu hōret wie
 1590a,3 H̄ chadolt wīfe zwei rof gewan
 1590a,4 fūr war reht als ein biðbe man
 1590a,5 In die malie rant er fūr
 1590a,6 Wer da dív rof gegen in vlūr
 1590a,7 Die nenne ich iv hie zehant
 1590a,8 Si waren da beide wol bechant

1591a,1 Von capellen h̄ pilgerin
 1591a,2 h̄ Reímbot von newalín
 1591a,3 Sus waren genant die zwene man
 1591a,4 Den h̄ chadolt an gewan
 1591a,5 Dív orffe da defwar rittlich
 1591a,6 Def fūrsten bot vz oftrich

- 1591a,7 Chom da gerant vil fnelle zu
1591a,8 Ez was dannoch des morgenf frū
- 1592a,1 Er reit vil fnellichen dar
1592a,2 Da die pruzel vn̄ ir fchar
1592a,3 In hohem mûte schone riten
1592a,4 Ge zímirt wol nach ritts fiten
1592a,5 Do er die bruð beide erfach
1592a,6 Ð bot vil blödechlichen sprach
1592a,7 “Ir fûlt íwer turniren lazen fín
1592a,8 Daz gebiutet ív ð hre mín
- 1593a,1 Er mage ív niht gehelfen hie
1593a,2 Ich gefach ín vngemût nie
1593a,3 Er ift ín vngemûte chomen
1593a,4 Im ift fín vreude gar benomen
1593a,5 Ich hort ín vz ð maze chlagen
1593a,6 war vmbe daz getar ich niemen fagen
1593a,7 Ez ift ein fo gar fwach gefchiht
1593a,8 Daz ichf ív getar gefagen niht”